

---

*Cantabrigienſium*  
Dolor & Solamen:  
SEV  
DECESSIO BEATISSIMI REGIS  
*ſ* A C O B I  
*Paciſci:*  
ET  
SVCCESSIO AVGVSTISSIMI REGIS  
CAROLI:  
*Magnæ Britannia, Gallia,*  
*& Hibernia*  
*Monarchæ.*

---



---

Excudebat CANTRELLVS LEGGE, Almæ  
*Matris Cantabrigiæ Typographus.*  
MDCXXV.


7-15

THE  
JOURNAL OF

1800

THE  
JOURNAL OF

2



## PRÆFATIO.



*U* E M cernis Libellum. Lector, pepererunt *Musa* Cantabrigienses: genuit mirabilis quidam *Affectus*, ex *Morore* & *Lætitia* oriundus. Sen videas frontem, seu vocem audias, anticipem planè diagnoses originem. Nam facies, ut *Ianni olim*, gemina: Quà futuri temporis angurium capiat, sereno vultu renidet; quâ tumulum spectat (proh dolor) quàm nubila! quàm mæsta est! Neq; ipsa vox tenorem servat eundem, sed modo lugubris est, crebrisq; singultibus fracta: mox hilaritatem spirat & confidenter canit triumphos.

*N*umero paginarum certum non libuit. Nam in tanto, tam iusto omnium dolore, quis fuisset modus? Sed quemadmodum lugentis imaginem genus unâ aut alterâ lacrymulâ madidis, depingere solent: Sic nos ex immenso illo torrente lacrymarum, quas *Alma* matri expressit verissimus dolor, hanc acerram libavimus quâ ad Magni *IACOBI* tumulum parentemur.

Neq; absolum adeo videri debet, quod pauxillum argumenti lætioris admistum sit. Etenim præterquam quod eâ cognatione inter se coniuncta sunt ambo argumenta, ut alterum meminisse non possis, quin alterius cogitatio protinus subeat mentem; etiam si quis harum rerum sensus ad mentes beatas pertingat, dubitandum non est, hoc quicquid est officij, quo filium læti prosequimur, pios parentis *Mancis* non minus afficere, quàm quas defuncto per solum lacrymas.

*Hæc sunt quæ nescire te nolle; iam perge.*

I. M. P.







I  
DECESSIO  
IACOBI  
SVCCESSIO  
CAROLI.

---

*In Obitum Augustissimi Regis*  
IACOBI.



Atenui veniam Musæ (Rex magne) parentis  
Exequias lacrymis condecorare sui.  
Defunctum luget nunc inæsta Britannia Regem,  
Defunctum inæstus lugeo at ipse Patrem.  
Extinctum queritur plorans Ecclesia Daphnin:  
Heu! queror extinctum iam Decus esse Meum.  
Deslet & amissum pullata Academia Phœbum,  
Amisum pulla desleo veste Iovem.  
Lugeat ergo suum Patronum Ecclesia, Phœbum  
Musæ, IACOBVM Terra Britannia suum.  
Nulla queat nostro par esse querela dolori,  
Funera quæis tria sunt tanta dolenda simul.

*Hoc Epicedium Iacobus Dux Lenoxie Avunculi sui  
longè charissimi, & quem Parentis loco habuit,  
defuncti Regis p̃ys Manibus parentavit.  
è Coll. Trin. A 1 Ad*

# Deceſſio IACOBI

*Ad CAROLVM Regem.*

**Q**Uæ ſua deſuncto perſolvit iuſta *Iacobo*,  
 Lata dat Augurijs carmina Muſa Tuiſ.  
 Ecce Sophocleo geſtit reſonare Cothurno;  
*Carole vive diu, Carole vive diu.*  
 Sed quæ vix didicit Picam ſimulare, Thalia  
 Hoc tantum poſſit dicere, *Cæſar Ave.*

*Iacobus Dux Lenoxiæ, Trin. Coll.*

**A**nglia lethali torpebat frigore, ſolis  
 At fervore novi iam rediviva calet:  
 Sceptringer aſſulget *Carolus*, qui pace gubernet  
 Concordi, patris diſſona regna ſui.  
 Bellicus vnde furor, triſtis cur ſævit Erinys?  
 Scilicet heu Cæſar pacificus perijt!  
 Militat in terris *Carolus*, felixq; triumphat  
 In cœlis *Cæſar*, ſemideuſq; ſedet.

*Iohannes Carey, filius & hæres Baronis Hunsdon, Vice-Comit. de Rochford in Art. Mag. Coll. D. Iohan.*

*De ventis antecedaneis.*

**C**limata quid venti perſſarunt turbine noſtra?  
 Quid conquaſſatus ventorum flatibus æther?  
 Scilicet *Auguſti* præſenſit funera Cœlum,  
 Atq; hi ſingultus, atq; hæc ſuſpiria cœli.  
*Auguſto* Venti evaſere mala omina primo,  
 Aſt tamen *Auguſto* ſint aura ſecunda ſecundo.

*Iacobus Montagu Coll. Syd. Dom. Mandevil. Vice-Com. Filius natus tertius.*

**Q**uam vitam Phœnix tradit reparabilis igni,  
 Atq; abit in cineres, naſcitur inde novus:  
 Triftia ducuntur Phœnicis funera noſtri,  
 Et novus ex eius pulvere natus adest.

*Rogerus Bertie, Baronis Willoughby de Ereſby, natus ſecundus. Syd. Coll. Pra-*

*Præstantissimi, beata celeberrimæq;*

*memoria, Regis IACOBI*

*Epitaphium.*

**C**hristicolas, quot sunt à Christi tempore, Reges  
Tempore regnandi cùm iam superâsset; in ævum  
Cum Christo regnans, superavit & astra, IACOBVS.

*Eiusdem,*

IACOBVS hic iacet. Iacet imperij Cedrus,  
Palma fidei, pacis Olea, Laurus ingeni:  
Cœli favor, suorum amor, mundi stupor:  
Antistes æqui, oraculum prudentiæ,  
Scholæq; Lux, nutritiusq; Ecclesiæ,  
Paterq; patriæ, paterq; CAROLI.

*Samuel Walfall  
Præfekt. Coll. Corp. Chr.*

**D**omi, forisq; mundi inanium satur,  
Petit beata Cœlitum sedilia,  
Amor, *Iacobus*, orbis & Britannix,  
Gravissimus Britannix orbis & Dolor,  
Magister orbis & Britannix pater.  
*Titosue, Iuliosue*, (Magna Nomina)  
Tulitve principes quot orbis vspiam,  
Eos *Britannia* triumphat vnicus  
*Iacobus*, iste honos ei sit integer.  
Minora narro; Dij tui, ne vix pares  
Erant Homere; Numina æstimes licet,  
Dij, solo poloq; Dignior frui.  
Serenus & benignus absq; Nube sol,  
(Ne sol quidem esse liberalior queat,)  
Severus almæ at æquitatis arbitrar;

Alijs Themis fuit, ſed ipſe Lex ſibi.  
 Scientia abdita, & ſtupenda poſteris,  
 Neq; iſ minore perſpicax Acumine;  
 Adempta palma literariæ rei, vt  
 Apollinem daretq; Athenas armulas.  
 Super ſed adde, & ingeni beati opes,  
 Et expolita plura ſcripta regia,  
 Nec illa deleatve, diruatve edax  
 Vetuſtas vlla vaſtitatve temporum.

Dei reapſe Imago viva honoreq;  
 Fideliter tenens tuenſq; creditam  
 Sacram fidem, Patrumq; Sanctitudines;  
 Styliq; nobili aſſerens acumine,  
 Trophæa deq; te erigens perennia,  
 Superba ô Septimontium, & mero tuo  
 Sophiſtico, Suiticoq; tagmate.

Manu almâ iſ, atq; myſtico chariſmate,  
 Pol iſtud additum eſt, probante ſed Deo,  
 ( Amoris Indicem meri dedit Deus )  
 Medetur ægro, vt efficace Pharmaco.  
 Salutis ergo natus, Otho tertius  
 Vt alter, orbis Ille Mirâ dictus eſt.  
 Sua vnicuiq; gloria eſt, ſuiſq; Honor,  
 Togata, amica pacis, alma ſecula  
 Et aurea hæc creâſſe, gloria eſt tua,  
 ( Iacobe Magne ) nec tacenda poſteris.  
 At heu viſſitudo ! en hiſ fugacius,  
 Nihil! ô Carnis, orbis, imbecillitas;  
 Status, graduſq;, ſpirituſq;, gloria &  
 Repens recedit omnis, omniſ avolat:  
 Homo Caduce, præbet exitu cito  
 Videndum, humo ſati loves, quid ij ſient;  
 Dat hiſ ſuperba Iura febris Impotens;  
 Dies; minus quid; Hora vana; gloriam &  
 Miſella gaudia omnia, arcta ærminat.

## Successio CAROLI.

Homo Caduce, quin & has tuens vices,  
Beata somnia ambias; superbias,  
Opiniis inficiæ impetu levi.  
Caduce Homo at stupefce; Tuq; define  
Iambe mi, dolere enim haud satis vales,  
Deum precare, *Carolus* vt suis, suum,  
Diuq; sospitem, & superstitem velit,  
Novum Decusq; , *Principem Platicum.*

Iubar salubre *Carole*, ô diu precor,  
Diuq; splendeas, serenum & Inclytum,  
Tuæq; *Lumen alterum Britannia*,  
Decus perenne posthumis Nepotibus!  
Diu recumbat in tuam vt *Britannia*  
Secura curam, opemq; [principum optime]  
Et ipse regium patris thronum vt petis,  
*Virente, vere, vita, & Anni, & optima*  
*Spei*, tibi perinde, (ô seculi decus,)  
Benigniore sorte, sit *Perenne ver*,  
Sit atq; Amantitas beata maximè.

*E. Travers. Coll. Christi; S.T.D*

---

IN  
DECESSOREM IACOBVM PARENTEM,  
ET  
SUCCESSOREM CAROLVM FILIVM,

*Utrumq;*  
Stupendi Meriti Monarcham, atq; omni  
*Tiulo longissimè maiorem.*

**A**T ô Sororum quicquid ad Gratz sacros  
Fontes sedetis, Ingeni,  
Et Literarum Præfides; Frustra meæ  
Lyræ indidistis dextera.  
Nondum gemello spiritu doctum modos

Inire tam contrarios,  
*Me* Vatribus veſtris vel hic non inferi,  
 Vel hos minus cognoscere  
*Divos* oportuit, *Iacobum & Carolum.*  
 Ah! quid poteſt plectrum? levis  
 Stylus quid? Impareſq; rebus hætitans  
 Lingua allaborabit modos?  
 En ipſa mens mihi intimis in ſenſibus  
 Neſcire, quod ſcit, cogitur:  
 Adfectuumq; duplici certamine  
 Mirata ſeſe diſtrahi  
 Iuſtos Triumphos inter, & Lugubria,  
 Haud ipſa ſufficit ſibi.  
 Quin Vos, per omne quod futurum ducitis  
 In ſorte veſtræ Gloriæ,  
 Reſumite hanc lyram, precor; Et alijs melos  
 Hoc imperate, qui minis,  
 Iactura quid ſit Regis omnium Optimi,  
 Intelligant, quævé omnium  
 Vota Optimo ſint nuncupanda Principi;  
 Seu lacrymer, ſeu rideam,  
 Stuporibus *Me* perfrui interim meis,  
*Heroum* in hoc verè *Pari*  
 Incomparabili, ſinatis, ô Deæ.  
 Quòd ſi ſuum concedere  
 Iuſto ſtupori non placet ſilentium,  
 Diſto ſat hoc ſit vel brevi,  
 (Quod nec ducentis congruentius tamen  
 Metris licèbit dicere;)  
 Senſus vtut referre mentis abſitos;  
*Tanto Parenti Filium*  
*Tantum, Iacobo Carolum ſuccedere*  
*Oportuit, vel neminem.*

Vox ex abrupto erat Stupentis,  
 Illacrymantis, Triumphantis,  
*M. Wren Ant. Pomb.*

Diri-



**D**iriguiſſe ferunt Nioben in Marmora, natos  
 Cū iaculis fixos vidit Apollineis.  
 Quā ſalix Niobe eſ marmor iam facta, peremptis  
 Pignoribus Tumulo cui licet eſſe Tuis!  
 Invidet ecce tuo gembunda Britannia fato,  
 Marmoreamq; cupit ſe fieri ſtatuam,  
 Vt Mauſoleum poſſit decorare *Iacobi*,  
 Quem telis petijt ſævus Apollo ſuis:  
 Et fato ſimilis lacrymarum fonte perennes  
 Diſtillet vitreo marmoris inſtar aquas.

*In inaugurationem Sereniſſimi Regis  
 CAROLI.*

**F**allor? an Ætheriā *Iacobus* veſcitur aurā,  
 Geſtat adhucq; ſuā ſceptra Britanna Manu?  
 Cūm vigeant noſtris Saturnia ſecula in oris,  
 Anglos Paxq; beet, Liber & alma Ceres.  
 An ſic fata volunt? *Iacobi* & filius iſdem,  
 Quēis Pater, auſpicijs naſcitur imperio?  
 Aggrēdere ò Magnos igitur, Rex *Carole*, honores  
 Chara Deūm Soboles, Cūraq; magna Deūm.  
*Elisabethæ*as vt Patris oliva Cupreſſus  
 Vicit, ſic cedant ſceptra paterna Tuis.

*Ant. Topham S. T. D. Coll. Trin.*

**Q**uid Mauſoleo deſixus in aggere pendes?  
 Magna licet, Manes non capit urna ſuos.  
 Relligio, Muſæ, pax, & prudentia, iuſq;  
 Humani non ſunt ſeminis, aut tumuli.  
 Aſtra petunt agiles quibus eſt cœleſtis origo:  
 Putrem ſpernit humum chara Deūm ſoboles.  
 Intereā valles, montes, Parnaffia rupes  
 Mœret, & in falſas tota liqueſcit aquas.

Vidit,



Vidit, & à ſumma miſeratus Iuppiter arce,  
 Terra metu, dixit, parce Britanna tuo.  
 Que Pater avexit moriendo gaudia cunq;  
 Regna dabunt nati fertiliora tibi.

*Hen. Mowltome Coll. Regal.*

**T**Riſte aliquid lætis intervenit, vſq; adeò non  
 Sincerum, & ſimplex vllum amat eſſe bonum?  
 Læta parabantur nato ſponſalia Regis,  
 Regem ipſum ſubitò ſuntulit atra dies.  
 Turbavit lætos priùs altera fors Hymenæos  
 Cùm Berecynthia iam tibia iam caneret.  
 Felix at princeps, & tu Rex optime felix  
 Non minùs, haud quicquam deſuit alterutri.  
 Maturus pleno ſucceſſit tempore patri  
 Filius, optavit tradere ſceptra pater  
 Huic tali, tali ingenio qui præditus eſſet,  
 Cognitus à puero regium habere animum:  
 Qui caput inſigni Diademate cinctus honeſtum,  
 Mox vertit luctum in gaudia magna brevem:  
 At genitor rex natus erat: paulò minus illum  
 Et Regem vidit Sol hominemq; ſimul,  
 Qui vitæ Regniq; annos totidem numeraret,  
 Summæ, ſi fortè, haud integer vnus abeſt.  
 Bis ſex luſtra ſat eſt, regnum obtinuiſſe quietum:  
 Rara auis, & paucis contigit hoc alijs:  
 Septem terq; decem tenuit Chaledonia meſſes:  
 Accepit Regem hinc Anglia terra ſuum:  
 Tum ſpatium par nacta, vbi ſeſe extendere poſſet,  
 Conſpicua eſt virtus illicò facta magis.  
 Forſitan immodica eſt largitio viſa quibuſdam.  
 Naturâ nimiùm quippe benignus erat:  
 Sed laudem non magnam in tanto Rege meretur  
 Si ſit frugalis, peccet in hæc potiùs,

*Cic. pro Rege  
 Dicitur.*

Provexit

# *Successio CAROLI.*

9

Provenit multos: inopes ditavit amicos:  
 Regibus hæc semper gloria summa fuit:  
 Impia sacrilegi compescuit arma furoris  
 Quod fieri potuit, pacis & autor erat,  
 Externisq; suisq; Ergo nunc præmia adeptus  
 Pacificorum in pace quiescit ovals:  
 Maiora spolia, & plures de pace triumphos  
 Promeritus, quam quos horrida bella iuvant:  
 Pompilius nisi si minus est mirabilis illo,  
 Qui pater & primus conditor Urbis erat:  
 Armipotens armis firmavit hic: ille severis  
 Legibus imperium & religionem novum:  
 Ille regens populum tranquillâ pace beatum,  
 Non cum finitimis bella cruenta gerens:  
 Nec te præteream, maior laus omnibus vna,  
 Quod bene coniunxit regna dirempta malè:  
 Sæva duellorum certamina, sæpe feroces  
 Genteis vexabant finitimasq; duas.  
 Hanc deus & melior litem Rex ipse peremit  
 Concordes iungens scedere perpetuo.  
 Anglos atq; Scotos nova nomina bellatorum  
 (Namq; hoc semen, & hæc huius origo mali)  
 De medio tolli iussit, veteresq; Britannos  
 Rettulit, ut nomen consociaret idem:  
 Quis non prætulit divinis omnibus vnum  
 Consilium hoc tantum tamq; salutiferum?  
 Ergo manebit honos huius per secula facti,  
 Nec famam extinguet longior vlla dies:  
 Iam quid devotum meo rem studio pietatis?  
 Hic Virtutis apex, omnium & hoc caput est;  
 Hæc b Dijs charus erat (quis non fateatur?) apertè,  
 Ereptus toties tot scelerum insidijs.  
 Effugit ille manus (quod prodidit ipse) nefandas;  
 Dum matris clausum in ventre necare parant:  
 Hæc solatia nos meditamur inania nobis:  
 O Rex sancte Vale, stat sua cuiq; dies.

α εν δολχομένωι.

β παντες εν θεο-  
 φιλίαι.

c In Monumento  
 ad Præf. spectat

B 1

Stelliferi

Stelliferi nunc Omnipotens Regnator Olympi  
Viſere cum Divis regna ſuperna dedit.

Οὐχ ἅμα τοῖς θνητοῖς εὐδαιμόνα πάντα τέτυκται  
χωρὶς τῶν θνητῶν ἀθανάτων τε θεῶν.

\* Ἀμβλῶ δ' ἢ κείνοισιν ὁ ἄρα δὲ εὐρύς ἐν εἴῃ,  
Οὐδ' εὐδαιμονίης εἴ τις ἔχῃ τὸ πέρας.

\* Ἐς μὲν εὖ πολλοῖς· ἡ μοῖρα δὲ πᾶσιν ὀπωιδὴς·

\* Εἰ τί τις ἦν βασιλεὺς, εἴ τε περιχερδὲς ἀνὴρ·

Βλάπτει δ' ἔδδ' ἐν μοῖρα τανηλεγέῃ θανάτοιο

Τὸς ἀγαθὸς κέρδ' ἢ μάλλον ἔγχετο μέγα.

Πρόξεν' εἰρήνης θαλαρᾶς πατρωμέν' ἡμῖν

Πᾶσι τὲ τοῖς ἄλλοις ἦν Ἰέκωβ' ἀναξ.

\* Αὐτὸς ἀνιθεῖν ἕκας πολέμους τι μάχας τ' ἀπερύκων

\* Ἀγοῖσι σαρδηνήσυχιν ἴσθον.

Ληγῶν μὲν γαῖαν, κατὰ τοῖς ἄνδρ' ἀλάσταν

\* Ἐξεκάρη, φέρων εὐρυαῖαν ἀγλαίαν.

\* Εἰρήνην τ' ἀγαθὴν κυροῖέρον· ἦν ἅρα πολλῶν

\* Ἀντικρυσ πόντων ἱρμα σάλινομένων.

Πρὶν δ' ἔρις ἦδε κυλοῖτο ἀνὰ χθόνα καὶ κατὰ πόντον

\* Ἐδρεσι Ληλαίοις παρ' ἑλύνθησαν οὐδ'·

Τῷ καὶ ἀπὸ γλώσσης μέλιθ' ὑλκίων ῥέει αὐδῇ.

\* Ἐξέτο δ' οἱ πειθῶ χέλιεσιν, ὡς Περικλῆϊ.

Δὴ τότε ἔβλ' ἔνσαν βαλεῖματα κεδνὰ, λόχοι τε,

\* Ὅπλα καὶ ἡσυχίῃ πρὶς ποταμὸν ταῦτα πέλει.

\* Ἐπὶ δ' ἀπὸ πάντων πρὶν γὰρ καλὶ γόλοιο, καὶ ὄγυι' ἔπειτα

\* Ἀλλ' ἔπειτα, ὅτε καὶ πολλ' ἐπεμυθέοιο.

Πολλὰ δὲ συμβαίνει παρὰ τοῖς ἄνδρ' ἀνθρώποις

\* Οὐδ' ἐστὶ σαρμὴ πρὶς ἑλύνθησαν.

Nestor apud Homer. Iliad. 9.

\* Οὐδ' ἔπειτα ἡμέτερόν γε νόον· μάλα καὶ τοῖς ἔγχετο.

\* Πολλ' ἀπεμυθέοιο.

\* Εἰ μὲν ἐπιτυχὴς πεπείνηται, καλῶς ἂν ἔχοι. εἰ δὲ μή,

τὸ γῆρας καὶ νόσος τῶν αἰτίων ἔχεται.

Andreas Dawkins, Hellenismi professor  
regius Cantabrigia.

*In Augustissimi Regis Iacobi funus*

*Olympia.*

**Q**uem Charites, Musæ, clarissima stemmata, virtus,  
 Quem pietas, & prisca fides, prudentia summa  
 Formarant rebus magnis, sceptrisq; gerendis,  
 Tolleris humanis heu rebus Magne Iacobe:  
 Scilicet & sceptris non notunt parcere Paræ.  
 Ergo te meritò lugent Ecclesia, Tempia:  
 Ora rigant Musæ, lacrymas Academia fundit.  
 Sed licet eripiant Te terris invida fata,  
 Mens tamen alta volat superas properanter ad ædes.  
 Sanctorum miscenda choris, animisq; beatis.  
 Fama itidem nescit gestorum cedere fatis,  
 Non pacis studium, non veræ Religionis  
 Sanctus amor, felix triplicis non vnio sceptri,  
 Ingenijvè tui monumenta perennia quovis  
 Ære magis, certò seros aditura nepotes.  
 Illud & in summis meritis, quòd prole beàtti  
 Regali Britonæ: moritur non ergò Iacobus,  
 Phœnicem insequitur Phœnix, Rex Carolus, alter:  
 Tu pater omnipotens superi Regnator Olympi  
 Da Phœniceos vt vivat Carolus annos.

*S. W. Profess. Theolog. D. Margar.  
 & Coll. Sidn. Magister.*

**Q**uem pietas, iusti studium, clementia, docti  
 Cura chori vehemens, nec non prudentia summa  
 Ornârunt regem, sophiæ qui exarsit amore,  
 Iacobum tristi sublatum morte dolemus.

**I**nignem pietate virum, quin pacis amantem,  
 Prudentem, iustum, doctum, summeq; benignum,

Fortem, magnanimum, Divino munere clarum,  
*Iacobus Carolum regem ſuccedere, latum.*

*Thomas Harrifon Collegij ſancta, ac indi-  
 vidualis Trinitatis Vicè-magiſter.*

**E**T Reges obeunt. Mors ſceptra ligonibus æquat.  
 Solus Rex Regum manet immortalis in Aulâ  
 Cœleſti; æternum ſic permanſurus in ævum.  
 Hoc nulli Regum voluit ius eſſe minorum.  
 Terrenum poſuit magnus Diadema *Iacobus*,  
 Ut fieret maior cinctus meliore Coronâ  
 Rex in perpetuum, felix ſuper aſtra triumphans.  
 Ille nihil paſſus damni: Iactura refleſcit,  
 Quæcumq; eſt, in nos: ſed & hæc iactura ſecundam  
 Invenit tabulam dextro ſub numine fauſtam,  
 Quâ mediante ſumus tuti, portuq; recepti.  
 Phoenix Phœnici ſucceſſit: Regnat vterq;,  
 In terris Phœnix *Carolus*, Cœliſq; *Iacobus*.

**O**ccubuit *Fidei Defenſor*. At illa Patronum  
 Lætabunda novum naſta eſt, orbata priore.  
 Quàm multum debet noſtra hæc Eccleſia ſummo.  
 Vltrò pro nobis fecit qui tanta; Iehouæ!  
 Illius hoc opus eſt: Illi ſit gloria ſoli:  
 Qui voluit ſimili ſimilem ſuccedere Regem.  
*Aſpice venturo latentur ut omnia ſeclo!*  
*Aurea Saturni redeunt iam tempora cani:*  
 Imò magis *Caroli* incipiunt; quippe illa fuerunt  
 Fiſta; ſed hæc verè ſperamus vera futura.  
 Multum habet vnde queat gens exultare Britanna,  
 Principe quòd Princeps penſetur; ſic ut in vno  
 Quicquid perdidimus, plenè reparetur in alt'ro.

*W. Power*

*Elingui*

**E** Lingui Croesi nato, mucrone corusco  
 Armatum in patriam cū videt ire necem,  
 Reddita vox subitō est, & quæ natura negārat,  
 Consciū elicit turbida verba dolor:  
 Sic mihi quem multo iam tempore nulla sororum  
 Visit & ingenuam suppeditavit opem,  
 Quæ natura negat, dedit ingens carmina luctus,  
 Et fastiditos cogit inire modos.  
 O ego quā vellem potius tacuisse, nec vnquam  
 Tam fera tristitiæ signa dedisse meæ!  
 Tuq; tuis regnis, nos te poteremur ovantes  
 Rex *Iacobe*, quibus nil nisi luctus inest.  
 Sed concessisti fati, concedimus & nos:  
 At non flere nefas, quæ reparare nefas.  
 Ergo, qui facit in subitos erumpere luctus,  
 Cogit & hos luctus comprimere ipse dolor.

*I. S. C. Regal.*

**I**ncassum tristes Elegos meditare Poëta:  
 Nam cum Rege suo mortua Musa silet.  
 Parca, *Iacobeæ* rupit quæ stamina vitæ,  
 Metrorum pariter fila caduca scidit.  
 Extinctum nequeunt crudeli funere Regem  
 Carminis extincti conceleberrare modi:  
 Lacryma spissa linat chartam, fiatq; litura;  
 Cū casu in misero littera nulla fluat.  
 Quod si flebilibus via libera versibus esset,  
 Immensum campum posset habere dolor.  
 Nonne vides, Vno iam rege cadente *Iacobo*,  
 Dammorum acciderit quā numerosa cohors?  
 Haud facile, aut promptum est exordia sumere prima,  
 Extremis cū sint omnia tacta malis.  
 Prima tamen facies occurrit mœsta Sionis,  
 Cuius apud Regem maxima cura fuit.



Scilicet hunc montem ſtabilem, pietate fideli,  
 In ſtabili poſitus reddidit ipſe throno.  
 Si qua fides: Tutor Fidei meritiffimus audit,  
 Parte omni qui ſic textit, & arte Fidem.  
 Scilicet hanc Lingua defendit divite venâ,  
 Conſilio Mentis, dexteritate Manus.  
 Doctrina Fidei quò prompta pateſceret auris,  
 Iugiter in ſanctâ pes pius æde ſtetit,  
 Ipſa etiam ſacris deſervijt Aula, dicata  
 Eloquijs, precibus, colloquijsq; ſacris.  
 Nec loca luſtravit ſolùm pietate *Iacobus*;  
 Sed legit ſacros, inſtituitq; dies.  
 Nempe Dei Regum ſupremi vindicis, arctis  
 In rebus, plenam viderat antè Fidem.  
 Ergò fidem ſummo voluit præſtare Patrono;  
 Talia grati animi dùm monumenta ſacrat.  
 Has meritò poterit laudes Altoris adempti,  
 Et totidem queſtus dinumerare Sion.  
 Nec tantum queritur funeſtam Eccleſia ſortem:  
 Publica res, triſti ſquallida clade, gemit:  
 Contenta exoſas Aſtra æa reviſere terras,  
 Iudicium Regi Juſtitiãq; dedit.  
 Candida Pax, nullo Bellonæ rupta tumultu,  
 Complexa eſt lætum, firma, potensq; ſolum.  
 Sumpſerunt hilares ingentia munera Muſæ;  
 Et ceſſit meritis vndiq; dignus honor.  
 Illa fuere priùs: Nunc pro virtutibus illis,  
 Triſtitia creſcit ſpiſſa feraxq; ſeges.  
 Rex tamen interea, ſcalâ portante *Iacobi*,  
 Altera cum ſuperis, altaq; regna ſubit.

*In diem obitus.*

**I** *Iacobe* prime, claudis ultimum diem:  
*Iacobe* ſexte, ſeptimo die cadis.  
 An evenire ſanctior queat dies?  
 Ducemq; ſanctitatis integerrimum,



Beatitatis ad perenne Sabbatum,  
In alta regna qui referret, aptior?

Quid ô Camænar, ripa quas Cami nutrit,  
Deslere regem sic superfluis pennis,  
Cordi est? Honores ille, propria pennâ  
Meruit perennes, adijci quibus fas est  
Nihil: Calamitas alia si *Iacobe*  
Morte accidisset nulla, luctuum summam  
Sola hæc calamitas attulisse censenda est;  
Quodd calamus ille regis inclyti cessat;  
Quo nemo dignum strinxerat, parem nemo.

VIXIT IACOBVS: CAROLVS VIVAT: Satis

Laudum precumq; crederes datum; nisi  
Quodd ille dignis laudibus nunquam queat,  
Memorandus, ora per virorum currere;  
Et dignus hic sit precibus immensis, Patris.  
Felicitatem vt assequatur æmulus,  
Felicitatem vt donet, æmulus Patri:  
Sibi vt perisse sentiant gentes nihil,  
Nisi nomen vnum, sed nec illud integrum;  
Quodd nempe, adempto pro *Iacobo*, *Carolus*,  
*Carolus* at ipse, quodd *Iacobus* regat,  
Ita res secundæ à *Carolo* Primo fluant.

*Andreas Woode Sacius D. Ioh.*

Ergo & pupillum Clerum, populumq; Britannum,  
Ergo scholas nostras deseruisse libet?

Nec Clerus precibus, populus nec amore moratur,

Nec Schola te lacrymis (prime *Iacobe*) tua?

Ergo vnâ moriamur, & invidemus honorem

Turbæ, cui dudum fata dedere mori.

Dulce mori tecum, sequimur te in regna superna

Cum dabitur tandem scala, *Iacobe*, tua.

Interea mœstas solabitur vtraq; Musas

Regia progenies *Carolus* atq; *Liber*.

*Ægid. Baden C. C. C.*

Non-

**N**ondum lugubrem Miseranda Britannia formam  
 Deponis, quâ Cæsareis sub fascibus olim  
 Induta es? tum te matronam turpiter atram,  
 Mœrentem pullâ succinctam Veste, capillis  
 Sparsis, Oceanum lacrymarum ob tristia fata  
 Vndiq; fundentes oculos, quo brachia lassa  
 Tantum non submersa moves, cœlumq; tueris,  
 Descripsit Victor Romanus: & illa doloris  
 Præsentî à luctu non multum abludit imago:  
 Hoc tantum dispar, quod tum de Cæsare quæsta es,  
 Nunc ( meminisse piget ) nunc de non Cæsare quæsta es,  
 Atq; hæc fertilior longè seges altera quæstus  
 Luxuriat, Vastiq; novum maris æquor arandum est.  
 Exul Agenoreâ namquis de stirpe creatus  
 Anguineos nostris, lethalia semina dentes  
 Seuit agris, cladis dira incrementa futuræ?  
 Aut fera fatali de pyxide fudit in orbem  
 Funestas Pandora faces? Libitinæve tandem  
 Delicias facit, & vulgaria fercula temnens  
 Regali gestit pretioso sanguine pasci?  
 Non *Hamiltonius*, nec vterq; *Lenoxius* Heros  
 Queis pia divinis ardebant pectora flammis:  
 Non *Nottinghamius*, *Belfastius*, aut *Sackvillius*,  
 Pignore cum charo vel *South-Hamptonius* vincti  
 Sufficerent? Quem das finem Libitina dolorum?  
 Quod tendes? vasto guttur distendis hiatus,  
 Utq; lupus perstas dulcedine sanguinis asper:  
 Cæsareumq; petis iugulum, quod corpora tradas  
 Tergemini regni mœstis exanguia bustis.  
 Sperâsti erepto *Palinuro*, & in æquore merso  
 Atq; gubernaculo fracto exundante procellâ,  
 Cui datus hæcebat custos, cursusq; regebat,  
 Nostra quod expoliata armis, excussa magistro,  
 Deficeret tantis navis surgentibus undis:  
 (Qui non deficeret clavum nisi prætinus orbem

Exci-

Exciperet pius *Æneas*, *Geminiq;* repente  
 Fulgerent fratres, perlucida sydera, nobis.)  
 Sed quis sustineat tanti momenta doloris?  
 Non humero torquens axem, non cœlifer Atlas.  
 Dic vbi, mors truculenta, secundum auferre *Iacobum*  
 Terrarum è gremio possis, soliòve superbo?  
 Dic vbi flos alter Clarius, suadæq; medulla  
 Confimilis? linguam quis sic innectare tinxit?  
 Sic quis Vrinator naturæ arcana retexit?  
 Seu te Triptolemi serpentes altivolantes  
 Traxere, aut totum Cybele circumtulit orbem,  
 Aut quo Bellerophon Musarum prodidit vndas  
 Vngula equi: Phœbusq; suas tibi flectere soli,  
 Quas malè tractârat Phaëton, concessit habenas;  
 Hæremus taciti: doctrinæ maxima nostræ  
 Laus angusta tibi, spatiosa volumina nobis  
 Sunt argumento folijs æquanda Sibyllæ.  
 Cuius enim à calamo defluxit principis vnquam  
 ( Appello monumenta annalibus eruta priscis  
 Et longâ serie signantes tempora fastos )  
 Melleus Euphrates, torrens rapidissimus, omnes  
 Sectæ perumpens obices atq; vndiq; sternens  
 Romuleæ, vel qui compescuit arma minasq;  
 Seu *Bellarmini* fuerint dudum *Arminijvæ*,  
 ( Namq; habet haud falsum consensus nominis omen. )  
 His nuper monstris ecclesia inœsta marinis  
 Exposita est, durâ scopulis religata catenâ.  
 Sed tu devotæ miseratus virginis, ales  
 Accedis *Perseu*, balænas conficis, almam  
*Andromedam* exolvīs vinc'lis, & *Gorgone* victa  
 Servas incolumem Sponsam, fortissime Princeps.  
 Turrigeros humeris *Marti* sacros elephantos  
 Duxisti domitos pariter, stimulisq; subactos  
 Iunx'ti Cæsareos currus ad templa vehentes:  
 Sic tu quâ possent muniri sceptrâ, docebas:  
 Nam non mobilibus nituntur regna columnis,

Non *Craſi* gazis, populivæ examine denſo,  
 Nec ſi rex, vaſtram fallendi noverit artem.  
 In cœlo regni ſed fundamenta locanda:  
*Illa Syracuſis* non conquaſſare valebit,  
 Hæc *Pyrinus pulvis* non conquaſſare valebit.  
 Per te ſub patulæ ficus vitifq; canebant  
 Tegmine *Brutigena* cœleſtia cantica læti,  
 Atq; *Caledoni* ſaltus latuère ſub umbrâ  
 Poſt deſolatos ferro, flammâq; penates.  
 Cùm lyra nativo ſqualleret *Hibernica* tabo,  
 Lugubreſq; modos ageret; cumq; vndiq; fracta  
 Diſcordes raucoſq; ſonos daret; ipſe, *Iacobe*,  
 Omnia componis, nervos diſtendis (*Apollo*)  
 Adq; melos numeroſq; tuos ſtupet *Orpheus* ipſe.  
 Singula non memoro, ſed tecum gloria noſtra  
 Subſtitit, atq; alium tecum volitavit in orbem;  
 Non aliter quàm cùm (v't perhibent) verſutus *Vlyſſes*  
*Palladis* obſeſſâ *Danaïs* ſubduxit ab arce  
 Cœlitus elapſam effigiem, ſic *Pergama* vincens:  
 Tum primùm *Phrygi* ſine vi cecidere, ſine armis.  
 Et meruit tum Troia capi: nec victor *Achilles*,  
 Aut *Agamemnonia* tantum poſuere *Mycenæ*.  
 Tecum vnâ columen patriæ, ſic gloria noſtra  
 Hæſit, & infauſtam tecum migravit in vrnam.

**A** Ccipe, quæ pietas, patrijs quæ Manibus vnâ  
 Noſter cum tenui farre litavit amor:  
 Accipe, tam ſacro ſtirps non indigna parente,  
 Noſtraq; connectas triſtia damna tuis.  
 Omnibus ex æquo dolor eſt, exundat in omnes.  
 Anguſtos fines ſanguinis exuperat.  
 Eſt pedibus iactura prior, mens quando recedit:  
 Nunquam cor ſolam dixerit eſſe ſuam:  
 Occaſum citius vallis perſentit opaca  
 Solis, quàm quæ ſunt montibus alta iuga.  
 Græcia tranſoſſum cùm deploravit *Achillem*

E numero *Pyrrhus* pars quotacumq; fuit?  
Orbatiq; sumus nos charo patre, Britannos  
Dicatur solus qui genuisse suos:  
Charior ille fuit nobis patre, spiritus oris,  
Dextra, caput, cor, mens, omnia solus erat:  
Ergò *Iacobides* non patrem, luge *Iacobum*,  
Plus proprio cuivis patre *Iacobus* erat.

*Car. Chauncy Bac. Theol. Coll. Trin. Soc.*

*Academia Cantabrigiænsis.*

At ô Divis ascite *Iacobe*  
Vulnera quanta mihi, gaudia quanta creas?  
Vulnera præpropero quot adauges anxia letho,  
Integra tot *Caroli* gaudia reddis ope.  
Ast Ego Musarum nuper regnata Parenti,  
Et simili Proles continuata vice,  
Quamlibet ambiguo succurrant carmina *Phebo*,  
Dum mihi mœsta parum, nec magè læta placent,  
Attamen erumpam: patrio nec Granta dolore  
Parcior exiguo vortice volvet aquas,  
Gaudia si placeant, largo fluat agmine lætus:  
Si lacrymæ, lacrymis auctior annis eat.  
Absit ut ingrato Patris sub funera cantu  
Crudeli violem vulnera lætitiâ.  
Absit ut incauto Nati sub munera planctu  
Iniusta violem gaudia mœstitiâ.  
Quid faciam? plorem, an nê canam? Patriæ nê carebunt  
Funera mœstitiâ, munera lætitiâ?  
In dubio mens est. Pietas accedit utriq;  
Et tamen alterutro deficit officio.  
Quid faciam invêni. Testetur gaudia fletus,  
Et dolor adversâ se tueatur ope.  
Nempe suos etiam fundant cum gaudia fletus,  
Mœstitia lacrymas gaudia mista dabunt.

*G. Boswell Coll. Ies. Soc.*

*Sen. Acad. Procur.*



**Q**ua miſeros lamenta manent, quæ fata Britannos,  
Sol Solis medio cum cadat ipſe die?  
Sol cecidit, ſed quod Solem nox nulla cadentem  
Excipiat, virtus ( *Carole Magne* ) tua eſt.

*T. Bayly Regal.*

**A**rbiter Europæ, Pacifq; haud frigidus Author,  
Non ſibi ſed Mundo providus, Heu cecidit!  
Externi hunc plorantē Duces: Gens ſubdita pro Te  
Pro te Animas mallet fundere, quàm lacrymam:  
Regnat & in Cælo Pietas; Doctiſſime Regum,  
Sanctius ambivit nulla Corona caput.

**S**i Terras, Rex fauſte, Tuas numeramus, & Vndas:  
En tria ſunt tantum Regna reliſta Tibi;  
Si, Rex magne, Tuæ numeramus gaudia plebis,  
Nefcimus quot ſint ſubdita regna Tibi:  
*Carole*, regnorum quot donas millia, nefcis;  
*Carole*, dās vno millia multa die;  
Nam ſplendore Tuo lætus ſe quiſq; Coronat;  
Et regnum in Regno ſperat habere Tuo.

*Tho: Goldfinch Trin. Coll. Soci*

Britannia: Execratio, Febris ſacraſſimo Regi

IACOBO lethalis.

**F**ebriſ improba, ter ſceleſta febris,  
Tun' ardentius æſtuans furenſq;,  
Tantum flagitium auſa es occupare  
*Iacobi*, ſacrum integrumq; pectus?  
Pectus candidius, beatiuſve,  
Quo non Sol oriens euetur vſquam.  
Ah! nefcis Furia omnibus perofa  
Quot vexas miſeram malis tremendis!

*Que*

Quæ mi præsidium meæ salutis,  
 Quæ vitæq; simul ducem patremq;  
 Vno surripis impotente morbo.  
 Quis mihi numeret suāvitates,  
 Quis sperare nefas suāuiores?  
 Quis mihi numeret beatitates  
 Quis sperare nefas beatiores?  
 Quæ superstitute te, *Iacobe* sancte,  
 Beātunt teneros meos alumnos.  
 Quis mihi numeret graves dolores,  
 Quis dolere nefas magis dolendos?  
 Quis clades varias, pericula multa,  
 Quis timere nefas magis timenda?  
 Quæ nunc lumine te, *Iacobe*, casso,  
 Inundant teneros meos alumnos.  
 Quin tu pessima, terq; inauspicata;  
 Quid tibi & Domino meo *Iacobe*?  
 Pro quo mille velim subire morbos,  
 Pro quo mille velim subire mortes.  
 Redde mi Dominum meum *Iacobum*.  
 Pallida an cupis insidere fronti?  
 Pallens frontibus inside reorum.  
 An vires gelidas probare gaudes?  
 I, iuva *Æthiopes* nimis perustos.  
 An vires calidas probare gaudes?  
 I, torre *Rhodopen* nimis rigentem.  
 Quid tibi & Domino meo *Iacobe*?  
 Cur vrisq; , vorasq; , congelasq; ?  
 Cur hunc surripis impotente morbo?  
 Redde mi Dominum meum *Iacobum*.  
 Pro quo mille velim subire morbos,  
 Pro quo mille velim subire mortes.

*Quæb. Prinsep Coll. Regal.*

**I**ppiter è summo speculatus culmine cæli,  
 In terras oculos conijcit ambiguos :

Extera



Cætera dùm ſæuo ſquallentia ſanguine vidit;

Sola Britannorum hæc inſula tuta fuit.

Qui ſimul adſtiterant, miratur turba Deorum;

Quærit, an ex vndis inſula tuta foret?

Non, ait Omnipotens, verum ſapientia Regis

Regnis ad Pacem ſufficit vna tribus.

Haud credunt Superi: placet experientia cunſtis:

Rex fatiſ ceſſit; mox ſonuerè tubæ.

Ergone in æternum noſtras Pax alma relinquit

Terras? atq; tuos deſpicis Angligenas?

Ergone marceſſent oleæ? ſemperq; virentes

Marceſcet laurus dilaniata comas?

Sic viſum eſt Superis; dum triſtia Numina miſcent

IACOBI funus, funere cum Patriz.

**O**cciduis latè fulſit regionibus aſtrum,  
Æmula lux Phœbo, dum fuit illa, fuit.

Huc ſoliti ſpectare, ſuos conuertere curſus

Gaudebant Nautæ, fidus ad occiduum.

Qui vaga regnorum fulcabant æquora Reges

Hinc petere auxilium, conſiliumq; ſolent.

Imperijs tria regna ſuis, at cætera mundi

Rexerat exempli lumine Pacificus.

Heu quæ tempeſtas! heu quàm nox ingruit atra,

Sidus cum terris occidit occiduum!

Terrarum Domini mundi clavumq; tenentes,

Naufragium metuant cùm Cynofura cadit.

*Richardus Loe, Aula Clar.*

**F**los dudum iuuenis; iuuenta florens:

Flos ò Regiæ; floride indè iam ò Rex:

Nullis grandinibus reuſus, æſtu

Nullò decide marcidus; nec yllâ

Manu carpere, flos, malâ, malignâ!

*Quin*

## Successio CAROLI.

13

Quin tu, flos, genitalis, ô, Favoni  
Aurâ vivificante mulceare !  
Firmere, ô, radio fovente solis !  
O. Salubribus imbribus rigere !  
Flos florem, folium, ferensq; fructum,  
Flore, Floride, flos future floris.

*Eiusdem aliud.*

Votis annue, Numen ! ô Deus, qui  
Unicâ • vniter vnitate es vnus:  
Triplici & sine ternione Trinus.  
Votis annue ! tum indies ad aram  
Faxo rite, adolendo gratiarum  
Thura, ac iugiter imbuendo Laudis  
Pio è pectore victimâ incruentâ.  
Votis annue ! perpetiq; nomen,  
Mactum Laudis adoreâ, beatum  
Trâsmittam modulatu in æva. Votis  
Qui Trin-vnus es, annue, Vni-trinus !

*Eiusdem aliud.*

Patria Iacobi: modò non commortua morti;  
Dum Verus Regnorum hæres, laudisq; paternæ,  
Carole, succedis solio; rediviva resurgit.  
Oh, fit iò: Luctus, Lux: heu, tu: plangere, plausus:  
Carmen, *χάρμα*: liber, liber: fit musica, Musa:  
Voces, vocales: vitalis. vita: renata,  
Natio: flos, florens: populus, ceu pópulus ingens.  
Ecce solum! ecce salum! cœlumq; salusq; videntur:  
Angelica, Anglia: Scutum, Scotia; Hibernia, Verna:  
*Ὀλβιον, Ἀλβιον*: est *Πρωτανία*, Britannia: civis  
Quisq; b μά-καρ εἶλε est: & quisq; est, Carole, canuus.

*b Beatus totus.*

*Samuel Walsall Praefect. Coll. Corp. Chr.*

---

**P**rimus ultimum obit diem Iacobus  
Non vili à Salomone rex secundus.

*Steph. Haxby Socinû Dno. Iohann.*

S3

**S**I fatalis & horrida & tremenda  
 Funesta vlla dies, inauspicata  
 Mœrorem, gemitumq; , lacrymasq;  
 Et lugubria metra vendicavit  
 A Musis, tua vendicat *Iacobe*,  
 O Rex, terq; quaterq; glorioſe;  
 At quæ carmina? quam invocabo Musam?  
 Musarum patre mortuo *Iacobe*?  
 Adhuc Cyrrha levat Iugum bicornè?  
 Et sacris Helicon scatet fluentis?  
 An non in lacrymas perennis illa  
 Arentem haulta reliquit vnda ripam?  
 Quòd si quid superest Apollo fundat  
 Et virtutibus aureis *Iacobi*,  
 Guttas enumeret liquentis vndæ,  
 Vnam vni exprimat, O quàm erunt inanes  
 Fontes, flumina, rivuli, scatebræ!  
 Quamvis nunc Helicon & Hippocrene,  
 Vel Ganges, rapidus vel Indus essent  
 Vel lustrans Tropicos utroſq; Nilus.  
 Non æquor Thetis inquieta, nec quæ  
 Fluctus cærule volvit Amphitrite  
 Tot guttas, mariumq; littorumq;  
 Immenſis ſpatiis tenere poſſunt,  
 Quot in pectore maximi *Iacobi*,  
 Virtutes modò florere ſumma.  
 Mens ſancta, & piã, Regium, & virile  
 Cor, Prudentia ſingularis, alti  
 Felix Iudicij Minerva, prompta vt  
 Flamma, aut fulgur ab æthere, expedita  
 Vis mira Ingenij, Eloquentiæq;  
 Torrens, conſilijq; Abyſſus ipſa,  
 Os manſuetum, animi acris, & videntis,  
 Sævis Temperies, Torus pudicus,  
 Rara in Principe caſtitas ſtupenda:  
 Illum nullas amor ſefellit arte,

Aut hamis mala nexuit libido  
Sed tede memor ille nuptialis  
Pulvinaris abhorruit scelestam  
Innuptus, viduusq; virq; labem.  
Illum ignavia nulla, nec dolosa  
Fregit luxuries, nec vlla Circe  
Blandis callida fascinavit Herbis:  
Nam ad Mensam quoties sedebat, ipse  
Summis fercula parcius, parata  
Carpebat digitis, at audientes  
Astantesq; beabat affluenter  
Divinâ dape votis & loquelæ  
Mellitæ magis Attico alveari.  
Matura aulicus, & Senator alta  
Arcana Imperij audijte canentem,  
Doctus prisca, Academicus profunda,  
Dux heroica, bellicosa miles,  
Adpersis salibus facetiarum:  
Non tam dulce melos sonabat ille  
Qui sylvas animabat, & revulsa  
Clivis fragmina rupium trahebat:  
Nec qui pectine regna Ditis atra, &  
Infernas superambulans tenebras  
Amatam *Erudicea* reduxit *Orpheus*:  
At heu iam *Tua* cum *Iacobe* lingua  
Æternum fileat, loquat? tacebo,  
Sed *Te* secula nulla conticebunt.

*Rob. Creighton, Trin. Coll. Soc.*

**Q**Uæ desiderio detur mensura pudorve  
Tam chari capitis? Lugubres incipe questus  
*Melpomene*, sacræq; modum nescite Sorores.  
Ergone perpetuus *Iacobi* lumina somnus  
Urget, cui pietas, & mens sibi conscia Veri,  
Incorrupta fides, virtutumq; agmina quando

— 215 —

D i

Aut

Aut vllum invenere parem, invenientvè ſecundum?  
 Illum maturo defunctum ſunere deſſent  
*Europa* populi, diviſaq; æ quore gentes:  
 Amiſſum ingeminant Regem reſonantia ponti  
 Æquora, vicinas circumpulſantia ripas:  
 Oceanuſq; pater Nympharum, & vivida *Tethyſ*  
 Flebile neſcio quid liquidis ſonùere ſub undis.  
 At nobis multò dilectior, atq; ita multò  
 Triftior, & multò feralior occidit umbra.

Quæ fuit illa dies, quàm luce ſacratior omni,  
 Quæ te prima tulit Divæ poſt funera *Elife*,  
 Inter & Anglorum plauſus, fremituſq; tuorum,  
 A regno fatis regna ad maiora ſecundis  
 Evectum, tripliciq; caput diademate cinctum?  
 Quis populi concuſus, & inſatiabiliſ ardor  
 Spectandi? Nequeunt oculoſq; animoſq; videndo  
 Explere, immenſis reſonat clamoſibus æther.  
 Mirantur vultus placidos, frontemq; ſerenam,  
 Et geſtus faciles, maiestatemq; verendam.  
 At ſubitos rerum lapſus! Vt ſquallet ubiq;  
 Anglia! deformi fædantur vt omnia luctu!  
 Dum reputant quis tantus honos, quæ te inclyta virtus  
 Ditavit, tantumq; alios ſuper extulit omnes.  
 Dum reputant mirantq; fidem, mentemq; ſagacem,  
 Egregias regnandi artes, & callida rerum  
 Conſilia, ingenijq; aciem, fontemq; perennem  
 Eloquij, vitijq; fugam, virtutis amorem,  
 Et pacis ſtudium, cui non devinctior alter  
 In terris animus fuit, & fervantior æqui.  
 Quid cumulem laudes? Augent damnumq; doloremq;  
 Omnia, nec tantæ poſſum par eſſe querelæ.

Non aliàs licuit poſtremis cernere ſeculis  
 Plurima naturæ contraria legibus iſſe:  
 Mutataſq; vices æſtus & frigoris, ægræ  
 Æſtates, gravidumq; malignis æra nimbis.  
 Non aliàs magni inſignantis lumina mundi



Ventorum rabiem, placidique incognita Veris  
 Fulgura, & ignoto fatalia murmura cœlo  
 Sensimus, & nunquam visos impunè Cometas.  
 Quid memorem truncos partus, partusque bisformes,  
 Naturæ errores, tremefactaque turbine terræ  
 Viscera, & insolitos Thamini fluminis æstus?  
 Ut liceat rerum longè observare tenorem  
 Inflexum, & fractas naturæ cernere vires!  
 Quid mortis diram ingluviem, variasque furentium  
 Morborum species, & festinata potentium  
 Funera? vix ut opus superent inamabile Parca  
 Iam querulæ; lassant rumpentes fila sorores.  
 Quid Martis strepitus, emotaque cardine *Iani*  
 Ostia, ferratosque obices: furor undè solutis  
 Grassatur vinculis, & magnum fulminat orbem?  
 Quid tot defectus, superi deliria cœli  
 Iam comperta, & ubique oculis iam pervia nostris?  
 Scilicet (his si vera fides, qui lumine acuto  
 Difficiles astrorum obitus, cœlique meatus  
 Lustrant, artifices; suæ monumenta dederunt)  
 Mutavere vias, cursusque oblita prioris  
 Invenere novos nutantia sidera calles.  
 Ipse etiam *Phœbus* pater & felicitis origo  
 Luminis, Arctos gentes, septemque Triones  
 Deserit, Australes sensim delapsus ad oras.  
 Ut metuum ne fortè ultra si pergere tendat,  
 Lugeat ereptam lucem, trepidusque silescat  
 Orbis, & æternæ damnentur secula nocti.  
 Nam neque iam solis aut incipit ira, vel ipsis  
 Desinit in terris, sed & altum tangit Olympum  
 Iam gravior: tanquam vergentis machina mundi  
 Lassa propinquaret morti, aut compage soluta  
 Languerent axes, fragilisque senesceret orbis.  
 Ultima nunc ætas agitur, peioraque ferri  
 Temporibus, scelerumque feracia secula, quorum  
 Plurima præteriere, & adhuc maiora supersunt.

At tu vive diu, patriæq; haud degener artis.  
 Sceptra capeſſe manu, Rex Auguſtiſſime: primus  
 Nomine *Caroli* ini ſeries, ſolioq; locati  
 Tuq; tuiq; ævi certo ſine fine nepotes,  
 Permanſura date infractis reſponſa Britannis,  
 Dum pater Oceanus, dum cærulea Amphitrite  
 Brachia circundant noſtris ſinuantia terris.

**A** *V*guſti cineres ſacros *Iacobi*  
 Parvâ diſpoſitos vides in urnâ:  
 Magnus in tumultum paratur orbis,  
 At minor tumulo: periſſe quantum  
 Humani generis dolemus! Hoc ſi  
 Conarer reticere, diſſilirẽm.  
 Tu cùm legeris, obſtupeſce primò,  
 Mox verte in lacrymas: doloris idem  
 Senſus te glaciem facit, vel amnem,  
 Nam ſi hunc interitum nimis dolendum  
 Non fleſ, perpetuò fleas, *Viator*.

*Hen. Mollæ Coll. Regal. Sec.*

**O** *Iacobe* ruentis huius ævi  
 Aſſertor, decus imperi, *Britanna*  
 Et *Scottæ* Cynofura certa terræ,  
*Hybernæ* Helice micans carinis,  
 Et quem navita *Gallienus* ſequatur  
 Securus pelagiq; turbinumq;,  
 Inſectæq; Helenes abominandum  
 Quo temnat duce ſidus, & micantes  
 Capras rideat *Æoliq;* totis  
 Fuſas carceribus, feras quadrigas.  
 Salve Maxime, ſive tu ſilentium  
 Inter ſomnia, pallidoſq; manes,  
*Henricumq;* tuamq; curioſis  
 Indagas oculis, & vſq; quaris

*Amman*



*Annam* delicias tuas, & umbras  
 Infantes, tenerasq; parvulasq;,  
 Et dulci tibi voce vagientes,  
 Quas sub limine mors adorta vitæ,  
 Ad dirum rapuit ferox macellum:  
 Seu sancto grege mixtus Angelorum,  
 Rimaris faciem Dei, fluisq;  
 Totus lætitiâq; gaudioq;  
 Terras despiciens, sepulcra ridens,  
 Et quicquid tibi pangimus poetæ  
 Traducens, lacrymabilesq; nugas.  
 Nostrum perdimus (ô dolor!) *Iacobum*;  
 Sed quid perdit & ille, quæritemus?  
 Regales habitus, corusca gemmis,  
 Auræ fulgida sceptræ, sed supernas  
 Ædes obtinet, arduumq; Olympum,  
 Et crystallina tecta, cœlitumq;  
 Gemmatam domum, & aureos Penates.  
 Præpulchræ incola sedis. Ergo quanta  
 Iacturæ mala non habet *Iacobus*!

*Amisissum celeberrimum Iacobum*  
 flevit

*Martinus Premam Artium Magister*  
 Coll. Regal.

*Eiusdem aliud.*

*Poeta:* Quid nostri meruit Mors, ô quid vita *Iacobi*,  
 Ut caderet vestra tam citò rapta manu?  
*Mors:* Quid meruit? Pius ille fuit; contagia terræ  
 Vitabat, meruit nonne vel inde mori?

T Errestris perijt? cœlestem sume coronam,  
 O quantum lucri mors tibi, sancte, tulit!  
*Carole* patrisa, fragili redimite corona,  
 Sic cœlesti tibi mors diadema feret.

*Fran. Ostler, T.C.*

*Spes meliora;  
Symbolum  
fuit Regum  
quod nomen  
e suz im-  
primi iussit  
priusquam  
Angliæ reg-  
num obenu-  
erit.*

**S** Perâsti meliora olim, dum *Eliza* Superstes  
Obstaret titulis, Rex *Iacobe*, tuis;  
Nec *Spes* vana fuit. Suecrevit & altera, regni  
Cœlestis, titulis *Spes* magis ampla novis:  
Hanc quoq; , dum multâ supplex prece nomen adoras,  
Ecce ratam facilis *Spem* iubet esse *Deus*.  
Iam solium scandis Superûm iam sceptrâ Deorum  
Moliris; Quam nunc *Spem melioris* habes?  
*Carolus* vt tecum regnet? *Spes ista*, precamur,  
Non sit certa minus, sed properata minus.

*Eiusdem alia*

**Q**uis tibi Naso negat veniam, cœleste fatenti  
Ingenium tantis obstupuisse malis?  
At tua tam nostro concedit cura dolori,  
Quàm magis ingenij est vena benigna tui:  
Me nec tam gelidus circum præcordia sanguis  
Lædit, & Aonijs cura timenda Deis,  
Quàm (Rex magne) tuam conanti expromere famam,  
Materiâ, vires, exuperante, cadunt:  
Da mihi Mæoniden, & tot circumspice laudes,  
Ingenium meritis concidet omne tuis.

*Rob. Austine Coll. Regal. Soc.*

**I**Am rerum luxata quies: sic obvia velis  
Obiectat rursus auditibus aura ratem.  
Sarmaticas hyemes, flammâs, terrâq; tremores,  
Ruptis aggeribus flumina, castra, famem,  
Tot pestes tantâq; cruces si fessa subiret  
Insula, docta nullis fortior inde foret.  
At fors illa nimis nostrorum gæna malorum,  
Verbere tam scytho quæ diadema ferit.  
Cæsareum iubar occidit: umbrarumq; cætera  
Irruit in nostros impertiosa lares.

Nec

# Succēssio CAROLI.

31

Nec mirum; regnandi artes, ferriq; togæq;  
 Consilia *Augusto* Rege cadente cadunt.  
 Nullum *Iacobi*, quem scētaretur, habebat;  
 Tantū vnum, qui Se nunc imitetur, habet.

G. Cbeſter Coll. Trim.

*Tristiſſimums nuperrima marina inundationis  
 prasagium de morte Regis IACOBI.*

N Vm tumor insolitus vernalis ab æquore fluxus;  
*Thymis* exundans omine plenus erat?  
 Scilicet, Oceanum lacrymarum in vere futurum  
 Prædixere furens pontus, & ynda simul:  
 Convertisse scias in flumina lumina fatum,  
 Hinc luctus fluctus exuperasse putes.

Θρηνῶδες ἀνθρ.

Ἀγγλία κυμαίνουσα πολυκλαύσεισι ψεύθεσι  
 Δακρυχίσα πόντον ἔχει σπένδουσαν ὀμίχλῃ·  
 Ὡς φάθ' ὁλόλο, νῦν βασιλῆθ' ὄψων  
 Πύθῃ ἀποσχίλαται. περί' αἰμὴ το χαρματα μακρὰ,  
 Ἰμερῶσα χέρις, πολλὰ το εἰ ἔπειτο τιμῇ·  
 Καὶ βασιλὺς βέσις ἴσιν ὄλοι, ἡγῆ, παίδιμος ἡ χη·  
 Ἡ χαρὰ λέν, καὶ ῥολος, ἡ δ' ἄλγος.

Thom. Wood Coll. Sid. Suff. Soc.

M Artius infestus nobis an gravior Ille  
 Mensis erat, satis Anglia discet tuis.  
 Protulit hic nuper *Carolus*, dedit autē *Iacobus*,  
 Hunc tulit, atq; illum dat superesse diu.  
 Maior an hic luctus dicas, an gaudia nobis?  
 Vnum sustulerit, sed dedit ille Duos.

Ioh. Wbmsop T. C. Soc.

Esse

**E**ſſe Deos credam memores ſancti atq; neſancti?  
 Eſſe ſuos ſanctis credam Pietatis honores?  
 Obijcitur nova res improvida peſtora turbant  
 Eripiunt Regem, Proceres, ignobile vulgus  
 Crudeles nimium nullo diſcrimine Parca.  
 Quid ſuperum ingratas donis oneravimus aras?  
 Quid fruſtra oratum Proceres ad mania cœli  
 Miſimus, vt redimant inortitum morte *Iacobum*?  
 Si bene quid de te meruit, quid pharmaca vires  
 Amiſſe ſuas non proficiencia Regi?  
 Nil doctæ potuerit manûs? lacet ars tua Phœbe.  
 Si Dea Pax: tot continuos ſervata per annos  
 Cur non Patrono ſuccurrit numen amicum?  
 Credo equidem (neq; vana fides) ſi numine digna  
 Relligio, Pietas, Probitas; ſi deniq; virtus  
 Iuſtitia vna omnes in ſe complexa valeret;  
 Regnaret, quem nunc fato lugemus ademptum:  
 Quò ſeror imprudens? faciles ignoſcite Divi;  
 Non veſtra incuſo malè ſanus numina: Voces  
 Non priùs auditas noſtri didicere dolores:  
 Fallor? an ereptum voluiſtis funere Regem  
 Vt decus æternum factus Deus addere t aſtris?  
 Non fallor: Vidi cæcâ caligine noctis  
 His oculis auctum numerum ſtellantis Olympi:  
 Siſtebat nova ſtella meos mirantis ocellos;  
 Quoq; magis vidi, magis & magis ipſe videndo  
 Obſtupui: ſubijt deſuncti Regis imago:  
 (Nec vanum augurium) dubiam fiducia mentem  
 Non dubijs ſignis firmavit: pronus adoro  
 His precibus. Salve ſemper memorande Britannis  
 O *Iacobe* Deus, gemmati gloriæ cœli;  
 Adſis o *Iacobe* favens, orbemq; reviſens  
 Conſilio, auxilioq; tuos dignare Britannos.  
 Annuit oranti (niſi me mea lumina fallunt)  
 Et celata priùs ſubito lux clarior arſit.

**I**N tantis patriæ, & totius luctibus orbis,  
 Quid faciam (Infelix) eloquar an fileam?  
 Vox est nulla malis nostris par. Ergò tacebo.  
 At Dolor inclusus strangulat. Ergò loquar.  
 Rex pius, ille Pater patriæ, pius ille *Iacobus*  
 Mortuus: haud patitur dicere plura dolor.

Lætitia in tantâ patriæ, totius & orbis  
 Méne loqui potius sive tacere iuvet?  
 Vox est nulla bonis nostris par: Ergò tacebo:  
 Læta tacere nimis mens nequit: Ergò loquar.  
 Vivit Rex *Carolus* dignus genitore *Iacobo*:  
 Me non plura finit dicere lætitia.

{ Sic sive creptum Patrem Natûmve relictum }  
 { Cogito, præ nimio Musa stupore silet. }

**E**Rgò in perpetuam clauduntur lumina noctem  
*Iacobi*! lacrymæ fluminis instar eant.  
 Præcipe funestas quæ rumpant æthera voces  
*Melpomene*, numeris vnica Musa meis:  
 Quis desiderio pudor aut modus? occidit vnus,  
 Gens at in hoc vno depereunte perit.

**Q**uid sic indulges lacrymis, quid pectora plangis  
*Anglia*? quid mœstos mittis ad astra sonos?  
 Amisisse tuum credis te fortè *Iacobum*,  
 Quem te defunctum deseruisse putas:  
 Fallere: vivit adhuc, vivit tuus ille *Iacobus*,  
 (Et vivat *Pylis* secula læta senis)  
 Tantam annos posuit, festam posuitq; senectam:  
 In *Carolo* floret, cætera vivus adhuc.

*Nathaniel Vincent Call, Regal. Soc.*

**C**AROLUS in terris, in cœlis sacra *Iacobum*  
 Sceptra tenet: Regno dignus uterq; suo.  
*Guil. Dugard Sid. Coll.*



**S**coria munivit frontem, *Iacobe*, coronâ,  
 Cùm posita in cunis sceptrâ fuere tuis.  
 Inelyta fecundam concessit *Dania* sponsam.  
 Cùm lusit numeris prima iuventa suis.  
 Dùm tibi contigerat solida & provector ætas,  
*Galli, Angli, Hiberni* dant diadema triplex.  
 Largitur celebris generum *Germania*, cuius  
 Deinde beât soboles te numerosa senem.  
 Quò maiora daret totus contenderat orbis:  
 Aspiciens litem terminat ipse *Deus*:  
 Æthereas sedes dùm iussit inire *Iacobum*;  
 Nemo vel accepit, vel meliora dedit.

**S***I mea cum vestris valuisse vota Britanni,*  
 Et sacra flexissent thura precesq; Deum:  
 Ad cælum serus rediisset & astra *Iacobus*,  
 Nec cinxisset adhuc Quinta Corona caput.  
 Parendum est superis: veniam date, Numina, culpa,  
 Si non inveniat nostra querela modum:  
 O utinam Augusti superasset *Cæsar* annos!  
 Cui plus debuerant Pax, & amica Quies,  
 Ergone sulphureas vitasti pulveris iras?  
 Ergone *Courtiaca* nil valere manus?  
 Vt prius ardenti præberes pabula febri,  
 Quàm duodena tibi lustra peracta forent?  
 Quem tot præstiterant & tanta pericula tutum,  
 Spes erat Angligenis non potuisse mori.  
 At sua dum meditatur Hymen connubia, pulsat  
 Ingrato solium, mors inopina p. de.  
 Sacra & firma simul dum sancis fœdera pacis,  
 Te vocat æternæ pacis Origo, *Deus*:  
 Scilicet illud opus, quod tu molimine tanto  
 Egisti vivus, vel mortuus agis:  
 Illuxitq; suprema, Dies que sacra Quiescit:  
 Pacificum decuit tùm voluisse mori.



*Succesſio CAROLI.*

35

**A**egyptus fileat Ptolemæos, Perſia Cyros;  
Cæſareum taceat Roma ſuperba decus:  
Alphonſos reges vſtrâ ne iacſet Iberus,  
Nec Ludovicos Gallia pulchra ſuos:  
Omnis in hâc vno concluda eſt nomine virtus,  
Qui benè curavit regna, *Iacobus* erit.

*El. Duncon Aul. Pemb.*

**N**on ſemper rigidus frigore Iuppiter  
Denſat terribilem cum nive grandinem:  
Non ſemper quatiunt ſæua tonitrua  
Mortales animas, nec vâga fulgura:  
Nec ſemper tenebras agmina nubium  
Denſarum glomerant, & rapiunt diem  
Anglorum ex oculis: En nova lumina!  
En cœlum liquidum! *Triftia Carolus*  
Exortus pepulit, reddidit & diem,  
Quem ſol occiduus nuper abegerat.

Salve ô Semlanimis Vira Britanniz;  
Salve ô Nobillum Deliciz, & Decus;  
Salve ô Præſidium, Curaq; civium;  
Salve ô Latitiz Fons bone *Carole*.

Vota hæc ſunt patriæ: Dij bene (dicere  
Non veſtram facere eſt) dicite *Carolo*.

*Carolus Denny. Coll. Reg. Soc.*

**V**idi ego mutatum ſubito nigreſcere cœlum,  
Illic & nubes, quâ modo ſplendor erat:  
Sæpe & Hyperboreis vidi turgere ventis,  
Quod modo tranquillas præbuit æquor aquas:  
Hæc eadem facies cœli, pelagiq; Britanni,  
Cum patriæ paſor & rex moreſcitur, erat.

E 2

Aspicias,

Aspicis, vt reduces diſpellant nùbila ſoles?

Vt Notus iratas lenior æquet aquas?

Carole talis eras: Te ſoſpice, terra Britanna

Sole & perpetuâ pace carere nequit.

*Daniel Dent Coll. Regal. Soc.*

**F**ruſtra (Miſſa) atro calami ſudore laboras  
Deplorare Caput, quod tria regna dolent;

Deſine Muſarum fruſtra conſumere fontem:

Non tibi, ſed mundo, convenit iſte dolor.

Si Pelagi rector cecidit, Terraq; *Iacobus*,

Sit Terra in tumultum, ſint Maria in lacrymas:

Haud æquum eſt Regem miſeros deſlere poëtas:

Obſcuros decorant hæc monumenta viros;

Carmine fama (*Iacobe*) tua eſt vivacior omni,

Detrahet & titulis mœſta Elegeia tuis:

Si tua plorari patiaris funera, ſolus

Qui tua cantares funera, dignus eras.

Et Regem magnum, & magnum deſlere poëtam

Carimine, nemo minor rege poëta poteſt.

*Tho. Locke Aul. Trin. Soc. Art. Mag.*

**T**ene igitur *Iacobe* pater, tene (optime Regum)

Mors habet, & gelidis captivum amplectitur vlnis?

Quod ſcelus, ô cives, aut quæ tum ignavia noſtras

Corripuit mentes? quid dura Britannia ceſſas,

Nec properas charo Regi comes ire ſub umbras?

Hoc de te meruiſſe *Iacobi* nomen, & vixit

Felices cineres, & quæ, dum intentæ ſaluti

Communi invigilat, curis ſe vita peremittit?

Nos animæ viles, & pondus inutile terræ

Quò vitam cupimus? vel quid ſub luce moramur?

Quin Regem ad mantes imos comitemur euntem:

*Ille*

Ille quidem indignus cœlo, & vitalibus auris,  
Cui non, *Iacobo*, mors ſit ſuperelle, ſepulto.

Albion! ô quâ voce tuum, quo carmine caſum  
Flere ſatis poſſim? ſubito tua gloria letho  
Occidit, & regni ſplendor, ceu Sole remoto,  
Nocte latet denſa, tenebrisq; obducitur atris.  
Quippe decus, nomenq; & tantum gentis honorem  
Rex ſecum *Iacobus* habet, ſervatq; ſepulchro.

Quem nunc exorem? vel quâ prece numina ſelectam,  
Vt Regem miſeris reddant, & fata retexant?  
Dic quibus in terris aliquem, miſer, *Orphea* quæram,  
Qui nigros *Erebi* lucos, *Strygiamq;* paludem  
Tranſeat, & reduces arceſſat carmine manes.  
*Carolus* *Hiſpanis* nuper remeavit ab oris,  
Vultuſq; optatos iterum vidère *Britanni*:  
Cur non & ſunctos manes exire ſepulchro  
Poſſe putem, atq; iterum ſuperas evadere ad oras,  
Ipſaq; *Lethæis* abolere oblivia lymphis?

O ego ſi poſſem noſtris ereſcentibus annis  
Demere, & effecto demptos tranſcribere Regi!  
(O patria: dolor atq; decus) tibi fata dediſſent  
Majores in luce moras, & longius ævum:  
Verùm aliter Superis viſum eſt, noſtraſq; querelas  
Aura tulit, ſurdoq; dedit ludibria vento.

Me miſerum! quid agam? vel quæ ſolatia quæram  
Quò poſſim tantos ſaltem lenire dolores?  
Nunc optem celeri curtu per inania ferri,  
Quâ ſol Oceano caput abdit, ad vltima rerum,  
Finesq; extremos: vbi noſtras incolæ gentes  
Neſciat, atq; ipſo penitus de nomine Regum  
Omnia per terras æterna ſilentia ſervent.

O! quis me celeri delapſus ab æthere pennâ  
Corruptum, ſolis deſerta in vallibus *Idæ*  
Siſtat, & horrenti nemorum caligine cingat?  
Illic naſta locum, nimio mens ægra dolore,  
Impatientq; ſui, veſano fræna furori

Solveret,

Solveret, & cupidos fletu fatiare ocellos.  
 Illic ad ſylvas, & tanti conſcia luſtus  
 Sydera, & indigenas, terreſtria numina, Nymphas,  
 Per noctem inſomnes agerem ſine fine querelas,  
 Inculansq; Deos & queſtu fara laceſſens.  
 Indè per immenſos exhausto corpore fletus,  
 Illice ſub denſa recubans, atrave cupreſſo,  
 Optatà miſerum finire morte dolores.

G. Goade Coll. Regal. Soc.

**V**ixti pacificus, (*Iacobus*) in pace quieſcis:  
 Pacem perturbas, pacificus motiens  
 Turbati certant fratres, *Caledonius, Anglus*;  
 Contenduntq; pijs laudibus, & lacrymis,  
 Turbatæ & geminæ *Cannia, Tanniaq;* ſorores  
 Decertant ſummis laudibus, & lacrymis  
 Omnes (quem penes eſt unum componere lites)  
*Carolus* has patrio tollere more poteſt  
 Turbatos ſedans Fratres, placansq; Sorores,  
 Exhaustit laudes *Carolus*, & lacrymas.

Guil. Owen, Gen. & Coll. Jeſu.

**I**n duo diviſos qui iunxit regna Britannos,  
 Regnum indiviſum, cum Iove, *Cæſar* habet;  
 Orbi iuncturus diviſos orbe Britannos  
 Orbe hic diviſum nunc habet Imperium.  
 Inſula iuncta priùs *Scott-Anglia*; iunctus ac Orbis,  
 Te moriente, ſuis Inſula fit lacrymis.

Drugo Deane, Gen. & Coll. Jeſu.

**T**riſtia Sceptrigeni ploramus funera Regis  
 Lætitiâ & lacrymas in ore pedit vna pijs  
 Alterius ſuavem celebramus Principis orium,  
 Spemq; metumq; ſimul propulſit vnus amor  
 Quid non ſperemus? Quid non timeamus amantes?  
 Per mala ſpes animos ad meliora levec.

Ed. Merike Coll. Sid. Suſ.

Huſtrigon

Ἡμετέρων πάλαι ἔσσι πατέρ' Ἰακῶβ Πατριάρχων  
 Πατρίδ' ἡμετέρης ἦς Ἰακῶβ πατὴρ.  
 'Τὶ δὲ ἴδν δ' ἀπίσιμ' Ἰακῶβ, ἀπίσιμ' Ἰακῶβ.  
 'Τὶ δὲ ἴδν δ' ἀνέλεβ' ἔτ', ἐκείν' ἔδν.  
 Θνητὰ πατὴρ Ἰακῶβ μὲν τηλέθι πατρίδ' ἄτης.  
 Τηλέθι δὲ Σκοτίνε θνητὸν Ἰακῶβ' ἔθι.  
 'Ουρανὸν ἰωρὺν ἔχει Ἰακῶβ, ἔτος γ' Ἰακῶβ.  
 ἔς τ' εἰς ἦν ἀμφοῖν ἐν πύλαις τε κλῆος.

**A**ngulus immensæ firmissimus Anglia Terræ  
 Dicta sub auspicijs (Die *Iacobe*) tuis,  
 Quam properè in cineres te decedente recedit,  
 Dum pia se voveat Manibus illa pijs?  
 Ah! prohibe vestris ne sese immisceat ymbrijs,  
 At vivat nato iam moribunda tuo.

Vivit adhuc, patriæq; animam quam debuit urnæ,  
 Hæredi solvet (*Carole Magne*) Tibi.

**Q**uid frustra antiqui desudavere Sophistæ,  
 Ne sua Pythagoræ staret sententia, néve  
 In diversa animus sese transcriberet vnus  
 Corpora? quid verbis credam cūm facta loquantur?  
 Quicquid in egregio steterit mirata *Iacobo*  
 Anglia, vel reliquus quicquid laudaverit orbis  
 Virtutum, aut siquid maius virtutibus, illud  
 In te traductum est; Tibi se (*Rex Carole*) servant  
 Patris Apollineæ cum Palladis arbore Laurus.

**V**olubilis Beatitudo, quam cito  
 Recedit ætæ rapæ, quam cito redit!  
 Nec vllus vspiciam Dolor manet diu,  
 Diu nec ipse Risus; hæc duo invicem  
 Repentè cedere, & locum solent dare.  
 Diem perosa Nox recordat aureum,  
 Recludit indè Noctem amabilis Dies;



Suosq; sortiuntur ambo transiens.  
 Vicissitudinem hanc gravis Britannia  
 Tulit doloris obvoluta nubibus,  
 Cadente te (*Iacobe lucidissime*)  
 Tuoq; rursus excitata lumine  
 (Parentis aurei propago splendida.)  
 Tux refulgeas diu Britannia,  
 Tuiq; præbeas imaginem Patris  
 (Imago Regij Patris redintegra.)  
 Sequentibulq; perbees nepotibus  
 Britanniam cadente Rege mortuam,  
 Britanniam regente Te superstitem.

*Nicolaus Hobart Coll. Regal. Socini.*

*Ad Tumulum Serenissimi Principis nostri IACOBI  
 Magnæ Britannia, Franciæ, & Hiberniæ*

*Regis*

{ *Hospes* } { *Fides* } { *Cantabrigiensis* } { *Academia* }  
 { *Anglus* } { *Britannus* } { *Oxonienſis* }  
*colloquuntur.*

*Hosp.* QVam hæ matronæ, scissâ quæ veste sepulchrum  
 Circumstant, lacrymis saxa sigantq; suis?  
*Angl.* Illa *Fides*, hæc terra *Britannia*, simulq; Sorores  
*Cam'brigiamq; vides, Hospes, & Oxonium.*  
*Hosp.* Quid lugent? an scire licet quæ causa doloris?  
*Angl.* Et licet, & referet singula quæq; tibi.  
*Hosp.* Dicite. *Omn. IACOBVM* cunctæ lugemus adeptû,  
 Hic est, hic nostri causa doloris erit.  
*Hosp.* At quid id est quod vos cunctæ lugetis in vno?  
 Nunquid pars omnes a qua doloris habet?  
*Fides.* Ille mihi *Defensor* erat. *Acad.* Sed Tutor utriusq;  
 Nobis. *Brit.* Atq; idem Rex erat ille meus.  
*Fides.* Magna mihi. *Ac.* Maior nobis. *Brit.* Mihi maxima causa,  
 Iltis præstabat singula, cuncta mihi.



*Hoſp.* At Soror vna aliâ tumulo quid mœſtior aſtat?

*Cant.* Me imago dilexit, lugeo & ipſa imago.

*Hoſp.* Ah miſeras! *Angl.* Miſera, ac felices forſan eadem,  
Si *Demi* aſpiciat quas modò genuit *Homo*.

**C**onatus mundum concordî pace ligare  
Sæpe *Jacobus* erat, sæpe repulſus erat.

Discordes ſuperi turbabant cuncta, ſed ille  
Senſit, & iratus cœlica regna petit.

Dum pater æternos componit in æthere divos;

Tu pacem terris, *Carole*, conſtitues.

*I. Stanimough Reginal.*

**C**armina ſi poſſent cœlo daducere regem,

In magno populo quiſq; Poëta foret :

Sydera ſi vellent cœlo demittere regem,

Tentarem mœſtis ſydera lacrymulis.

Carmina, nec lacrymæ poſſunt revocare *Jacobum*:

Hinc lacrymæ nullæ, carmina pauca, ſatis.

*Reg. Manners Gen. Coll. D. Iohan.*

**O**lim dona ſuis tribuit novus induperator;  
At nobis donum, *Carolus* ipſe fuit.

*Ar. Kemp. Aul. Clar.*

**C**vin quateret Regem verno ſub ſydere febris,  
Spes erat, vt non mors, ſed medicina foret.

Principibus rara eſt, ſenibus gravis ipſa ſenectus

Morbus; & his morbus quis levis eſſe poteſt?

Arte fuit febris curanda; ſed vnica reſtat,

Si morbus ſenium ſit, medicina mori.

*Rob. Coll. Cbr. Soc.*

F 1

Quam-

**Q**uam primum patrias effugit *Carolus* oras,  
 Confusus lacrynnis angulus ommis erat:  
 Quis madidis, lugens, satis imbribus ora rigabit,  
 Effugiat patrios cum pater ipse Lares?  
 Telemacho salvo, nunquam visendus *Vlysses*,  
 (Hei mihi!) sit quamvis Numine plenus, abest!  
 Dij dent, ne, medijs dum sit *Palinurus* arenis  
 Anglorum, fluctus sentiat acta ratis!  
 Non satis in proceres fuerat *Laureus* petendum  
 Post tot Magnatum sinera mæsta, caput?  
 At viduas laniata genas, laniata capillos,  
 Sic mihi visa querens gens lacrymosa loqui.  
 Quò properas, non des deponere lumen *Apollo*?  
 Dum gens tristitia nocte sepulta iacet.  
 Abstulit hinc placidos prius (heu) tua *Cynthia* vultus,  
 Quam docuit, querens ire, *Cometa*, viam.  
 At tibi nullus adhuc præfulsit ab axe *Cometa*,  
 Eliæ, maneat, dum modo *Currus* adest.  
 Elysij te turba vocat sanctissima campis?  
 Dic ibi progeniem pignora certa tuam:  
 Pacis amans *Martij* menti succumbere disces?  
 Atq; dabis victas, ( *Marte* furente ) manus?  
 Aspice languentes intactæ gentis ocellos:  
 Dum nimis ad cælum tu properanter abis.  
 Respice sollicitam mentem surgentis *Iulij*;  
 Officium Regis qui lacrymosus aget.  
 Respice conclusos sub viroq; parente *Nepotes*:  
 Dignus uterq; parens est meliore loco.  
 Respicias fidumq; patri natoq; *Patroclum*,  
 Quem tibi mors comitem sola cegare potest:  
 Quid facient *Musa* si se subducit *Apollo*?  
 Si te: quid doctis *lympha* sacrata viris?  
 Quæ iam florescunt, tua si lux absit, *Athenæ*:  
 Vere tepente licet, mortua corda gerent:  
 Quæ prius exorto creverunt lilia *Phœbo*,

Languescunt, medium nube premiente dicitur  
 Quæq; domus fuerat Musis (se. Iudice) florens;  
 Languida continuo, si moriaris, erit;  
 Quid video? placido vultu, marcescere flores  
 Quamq; decet, formâ pallidiore genas?  
 Quis violas venis decerpit? lilla fronte?  
 Quis rubras albis sustulit, ungues, rufas?  
 Summe Deum! Mortis video certissima signa;  
 Quæ nigris omni parte triumphat equis;  
 Quod fugis ô præcepse, nox (te fugiente) sequetur;  
 Angligenis redeas portus, & aura tuis;  
 Verba volant frustra; lacrymæ volubunt inanem;  
 Extremos ictus mors violenta dedit;  
 At nunc in fletus fontes laxate Britanni:  
 Fundite sollicitos (imbre cadente) sonos.  
 Optatos depone dies queribunda triumphos:  
 Et repetat partes funeris ara suas.  
 Nocturnis vluet tristissima curia sedis,  
 Sintq; sepulchrali lumina mota face.  
 Quæq; domus, gemitus, ferali cincta cupresso,  
 Fundat & in fructos tristia verba rogos.  
 Extincto populus deslavit Casare Romam:  
 Quod flectat hic populus, Casare maus, habet.  
 Proluit infano contorquens vortice sylvas  
 Eridanus, fatum dum prope Cesar erat.  
 Proluit insolito vicinos gurgite campos,  
 Sub mortem Tamisis (summe Iacobe) tuam.  
 Caesaris ad fatum, cinxerunt aëra nimbis:  
 Et nubes, pluvias, ceu lacrymosa dedit.  
 Interras multos demisit Iuppiter imbres.  
 Te dempto, speciem qui lacrymans habens.  
 Abscondit Phœbus, ingulato Casare, vultus;  
 Abscondit Phœbus (se moriente) Caput.  
 Fulgura de cælo Romæ sunt visa sereno:  
 Mixta gravi tonitru fulguravisse tuis.  
 Signa manent eadem planè morientibus, æqui



Ἄνδρες Σαυτολοφούς ἰεὺς ἀνέρες Ἀγυλο-Βράχαιοι  
Πατέρδ' ἀπαιτῆριβος θρόνονα παῖδ' ἐλὲ παυλὸς  
Τὸτο λυπὸς πόνος ἐστὶ, χαρὸς πόνος ἐστὶ δὲ τῦτο.

Ῥαδῦλος δ' Ὀυπτεγλῶνα  
ἐν τῷ Βασιλείῳ.

PROSOPOPOEIA

IACOBI REGIS & CAROLI FILII.

**C**arole (namq; tibi superum rex Iuppiter author  
Imperij) cape sceptrum manu; mihi cana senectus  
Terminat imperium: te vitâ dignior ætas  
Expectat regem: te sceptrum capeffere fas est:  
Maxima cura senis moricuri, nate, parentis;  
Anchora sola meæ non digna ferentis Elizæ;  
Plebis amor, patriæq; decus, procerumq; voluptas;  
Dum licet, ausculta; nunquam fortasse licebit  
Amplius, alternis nobis sermonibus uti:  
Dixerat; & frustra conantem dicere plura  
Carolus impatiens lacrymis affatur obortis.

Chare Pater, miserere mei, miserere sororis:  
Hæc vitam in tenebris duxit comes exulis exul,  
Ex quo Rhenani sudarunt sanguine campi:  
Hinc mihi continui luctus, lacrymarq; perennes  
Fluminis instar eunt: sed & hæc moribunda revixit  
Sæpe anima infandos te consolante dolores:  
Pallade sic fusa vidi te prostrare flammam,  
Quæ mouit delituit cinerum velamine amicta:  
Si sedet hoc animo vitam expirare (quod absit!)  
Quod mihi solamen, mihi quæ medicina doloris,  
Pars nostri melior, te decedente relicta est?  
Parce, precor, lacrymas lacrymis superaddere nostris,  
Funera funeribus: nulla sive fata doctum,  
Et me fata vocant; tibi nec omnes ire recuso.



Tūm Pater: Implevit mea ſors quos debuit annos:  
Tu regere imperio populos Me dicte Magiſtro.

*Carolus* exclamat: Non, ſi mihi Iuppiter author  
Spondeat imperium duplex terræq; mariſq;  
Solabor luſtum erepti regiſſet patriſq;  
Non poteſ avelli chariſſime: Talia fatum  
Alloquitur ſenior: Me, me deſiderat æther;

Terra relinquenda eſt; cedit tibi terra regenda:  
Parce tuos lacrymis corrumpere, *Carole*, vultus:

*Carole* ( crede mihi ) non hæc ſine numine divini  
Eveniunt: cape ſceptra; comas Diademate cinge:

Dij, quibus hoc ſtetit imperium, ſtabitq; vocati,  
Nate, tuiſ aderunt præſentia numina ceptiſ:

Tu modò perge deū cumulare altaria doniſ;  
Inſignes pietate viroſ, meritifq; probatoſ,

Hos comiteſ lateri adiunctoſ cape in omnia tecum;  
Nominibuſ, tituliſq; novoſ, & honoribuſ auge:

Iuſtitiā inſidoſ, vinculiſ & carcere frangat:  
Hæ tibi erunt arteſ, haſ tu ſervare memento:

Accipe ſupremo tibi quod pater imperat ore:  
Coniugis infelix comeſ infelicis Eliza

Exulat: inſequitur miſeroſ crudeliſ Iberoſ:  
Quòd Te per caput hoc, per quā nunc ultimus auras

Vitaleſ carpo, per conſcia numina iuſti  
Nate *Palatimorum*, oro, miſerere laborum,

Et generi miſereſce mei, miſereſce ſororiſ;  
Natorumq; ſorore tuā miſereſce nepotum.

Finivit monituſ, dixitq; noviffima verbaſ:  
Nunc me fata vocant, nunc longum, nate, valecto.

Dixerat: & dicto citiuſ calor oſſa reliquit:  
Tunc exaudiri gemituſ, planctuſq; frequentuſ;

Omnia turbari luſtumq; metuſq; minatiſ:  
*Carolus* in primis, poſtquam pallentia vidit

Ora patriſ, largo rorabat flumine vultuſ  
Triftiſ, & attonituſ; terræq; ſimillimuſ albuſ:

In terram cecidit pronuſ: divellitur inde  
Vix



Vix manibus centum, famulorum astante coronâ:  
 Talis in *Anchisa* lugebat funere natus:  
 Talis plorabat *Niobe*, sua funera, natos.  
 Postquam ad se redijt (quæ funera verba ministrant)  
 Protinus exclamat: Si vos mortalia tangunt,  
 Me superi comitem defuncto reddite patri:  
 Cur ego tot casus, cur tot discrimina tutus  
 Auxilio vectus vestro per inhospita regna,  
*Carolum* effugi, ignarus morumq; hominumq;?  
 Cur tot tranlegi terrâq; marisq; labores?  
 In patriam reducem cur me voluistis amici?  
 Hoc erat? ut videam dilecti funera Patris?  
 Me miserum! quem dant finem mihi fata dolorum?  
 Heu! ubi nunc Regina parens, genitorq; *Iacobus*,  
 Frater & *Henricus*? quantum mutatus ab illo,  
 Qui, *Fredericus*, erat? quantum mutata Sororis  
 Conditio? quanta lacrymæ, luctusq; nepotum?  
 Deniq; quid misero restat mihi funera præter?  
 Figite me *Parca*, (iamdudum abrupte vitam  
 Exopto; tædet cælum lucemq; tueri:  
 Invisum superis) hoc tantum: figite *Parca*:  
 Hic *Iacobi* ad curarum terminus esto.

Hæc inter proceres: Satis est regi; patriq;  
 Funeribusq; datum: restant meliora deorani  
 Fata tibi, similisq; deæ pulcherrima coniux,  
 Quæ pulchrâ faciat lætam te prole parentem:  
 Ex illâ debes patri, fratriq; nepotes:  
*Henricum* fratri debes, patriq; *Iacobum*,  
 Debes & patriæ qui Te, Te, (*Carole*) reddat  
 Nomine, & imperium per longum proroget ævum:  
 Aptâ tuis manibus restant regalia sceptrâ:  
 Restat ad hæc Diadema, decus te (*Carole*) dignum;  
 Quisq; tuam propriâ mercetur ex de salutem  
 Angliq; & Scotti, genus intractabile bello:  
 Mille super tibi sunt tituli, tibi gaudia mille;  
 Tuq; deus super vnus eris charissimus Anglis:

*Carole* redde oriens lucem, quam nuper ademit  
 Rexq; paterq; tuus moriens, ſi dicere fas eſt:  
*Carole* redde diem patriæq; tuiſq; Britannis:  
 Speramus reducem ſolem: quid noſtra moraris  
 Gaudia, lætitiæq; diemq; tuamq; coronam?

Ex illo procerum alloquijs & munere divum  
 Tranquillam accepit mentem, vultumq; ſerenum:  
 Ex illo ſenſim ſolvebat pectore curas,  
 Ex illo nubes animi, nebulaſq; removit:  
 Sic nova lux oritur Phœbo pellente tenebras:  
 Nora prius redijt facies: nam pallor ab ore  
 Fugerat, inq; locum ſubiit candorq; ruborq;:  
 Qualem ſanguineas inter candentia vidi  
 Lilia ſæpe roſas miſtum pinxiſſe colorem:  
 Iamq; dies aderat ſiquis lætiſſimus, alter  
 Lætior: ô redeat, multis volventibus annis,  
 Gaudia, quanta homini poſſunt contingere, ſecum  
 Dona ferens, Regemq; beet populumq; ſalute!

Ecce novum ſolio decus additur, ora manuſq;  
*Carolus* effigies divum, videorq; videre,  
 (Non videor) video gemmis ſtillantibus ipſum  
 Rectorem ſuperum redimitum tempora: lætus  
 Agnoſco inſolitam faciem, mentemq; tuendo  
 Expleri nequeo: cœlum mihi diſplicet ipſum,  
 Terra Britanna placet Te, *Carole*, ſceptra tenente.

Solvite corda metu, lacrymarum claudite rivos,  
 Et revocate animos, proceres, populiq; Britanni:  
 Exulet hinc luctus, neq; enim lacrymabile quicquam:  
 Tempora mutantur: ſatorum natiſcitur ordo  
 Nunc melior: cum rege novo nova gaudia ſurgunt:  
 Dum loquor aſpicio, qualem decet eſſe ſorum,  
 Anglia læta tuam faciem, faciemq; ſororis.  
 Tympana læta ſonent, cava buccina læta triumphet,  
 Quicquid & inventum eſt aliud lætantis ad uſum.  
 Quis deus hæc nobis tam præſens gaudia fecit?  
*Carolus*: ô qui Te talem genere parentes

Lætitia

Lætitiz autorem ? certè Deus, & Dea mater:  
Nate Deis, geniture Deos, cœtumq; Deorum  
Olim aucture senex æternum *Carole* vive.

*Radulphus Winterton Coll. Regal. Socius.*

**L**Vx erat *in exoriat* hoc ipso condita Mense,  
Et lux è Scotiâ nobis hoc mense refulsit  
*Iacobus*. Mundum quò mense fuisse creatum  
Fertur, & à toto divisa Britannia mundo  
Hoc recreata fuit : sed & isto perdita mense  
Censeri possunt & mundus & Anglia, quorum  
Atlas succubuit. Sed *Carolus*, Herculis instar,  
Fulciet hunc orbem, & divisos orbe Britannos.

*Paulus Mickelthwait S.S. Theol.  
Bac. Sid. Coll. Soc.*

*Querela de Medicis.*

**T**ollere nodosam nescit medicina podagram:  
Tollere sed febrem non ità difficile.  
Quid, quodd verna febris vel pharmacum ipsa vocatur?  
Nec medicina tamen ferre valebat opem ?  
*Febre* laboranti Regi succurrere nemo,  
Qui potuit, Phœbi de grege nemo fuit ?  
Tum demum *Magni* quando est moritura *Iacobi*  
*Gloria*, & hoc *Medicùm* dedecus intreat.

*Ad Academiam Cantabrigiensem de Scholarum Noviq;  
Sacelli, in testimonium gravissimi luctus,  
pullatis parietibus.*

**E**T meritò *atratus*, Mater mœstissima, vestes  
Induis, & meritò fletibus ora rigas :  
*Pullatisq; Domus* pannis induta *Regentium*  
Se dedit in luctus officiosa tuos.

Tristitiamq; suam vultu testata *Scholarum*

Se dedit in luctus *Area* mœsta tuos.

Damna tua erepti satis ad deflenda *Iacobi*

Esse potest mœstum funereumq; nihil.

Non, si pro lacrymis, nostris preberet ocellis

Prodigus exhausto flumine *Cammi* aquas.

*In effigiem demortui Regis panno lugubri  
in Novo Sacello velatam.*

**P**ullata effigies quare sic Regia, quæris?  
Defunctum exemplar luget Imago suum.

*Acad. Cantab. ad Templum Beati Petri Westmo-  
nasteriense, de monumento extruendo.*

**Æ**Des sacra Petri, tumulis celeberrima Regum,  
Lumina queis somnus clausa profundus habet,

Corporeas pia reliquias tibi fume *Iacobi*,

Compositasq; tuo fida reconde sinu.

Et *Mausoleum* sculptor carmenq; poëta

Artis vterq; suæ nobile fingat opus.

Hic *Regale* sibi monumentum condidit ipse,

Asservanda mihi cum sua scripta dedit;

Scripta legenda meis post sacra volumina natis,

Scripta, nisi extremo non moritura die.

Ἔς τὸν πυρίδιν, ἐξ ᾧ ἀπὶθανεν ὁ Κασσιλεύς  
ὁ μακαρίτης.

Καὶ σὺ νόσων χερσὶν ἀνέκλων ἀνδρῶν ἀνῆλθες

Ἄξιον ἐν θνητοῖς παμβασιλείαν ἔχων;

Οὐ μέλει σοι θῶρον γίνεσθαι; ἢ κράτῳ ἐνρυμέδοντος;

Οὐκ ὦψ; ἐκείνου δὲ ἐνδεῶς; εἰ δὲ σφίντες;

Ἀρχικαὶ ἢ τίχυνται, βασιλῆαί τε κρηναὶ, δικλῆς,

Εὐσέβει, ἢ γυνῶσις ποίηται, ἢ δὲ δίκη;

Ἐξελῶ σοι ὀλίγαι τὰ ἀχρεῖα καθάρματα λαῶν.

Ἀχθεῖα γὰρ; σφιδάμενων δὲ πύθον ὅτι ἔχου.

Νῦν δ' ὅτι σκηπτῆχος, προλήτης νόσων, κοίρανεν ἔτλης

Πισφύμεν, ἐνδυσάμενων καὶ σε ἀλλόθεν ἄμα

# Successio CAROLI.

51

Πάγχυ τε χῆς ἀείδ' ὅς' ἐκείνι φαρμακοπώλαι.  
Ουκ ἐκείνι ἰνὴρ ἐν σίο κέρδ' ἔχον.

Ἐπιτάφιον.

Θεὺ ἴης ἀσασίας θνητῶν. Ἰάκωβον ἐρῶμεν  
Τὸν μέγαν ἐν μικρῷ κοίμανον ὡδὲ Ἰάκωβ.

Rich. Dugard S. S. Theol. Bac.  
Sid. Col. Soc.

## ECLOGA.

*Iolas. Corydon.*

- Iol.* **C**Ur itā miranti similem, sursumq; tuentem,  
Cur aded tristem video *Corydonā*, nec vllas,  
Vt solet, augendi curas adhibere peculi?  
Numquid & huc nostri citius me fama doloris  
Venit; &, vt celer est, celerem prævertit *Iolam*?  
Certē alius, lacrymis dum nos tardamur obortis,  
Detulit huc Regis pastorum fata perempti.  
Quin simulo paulisper; & humida pollice ficans  
Lumina compello? *Corydon*? quid tristis Olympum  
Sic oculis metire tuis? an luna quid istoc  
Distiterit meditare loco? vix hoc dabit ipse  
(Nescio quis) totum radio qui censuit orbem.  
Tu modò pasce greges; & sit tibi fistula curæ.  
*Cor.* Parce graves nimium pastori figere leges  
Pastor; vt attonitum vario pecus omne larratu  
Protegat interdum, domino cessante, Lyciscæ:  
Expulit hinc Dietyrna lupos; nec (siqua tenemus  
Prædonum à spolijs aliena in iura ruentum)  
Nostra peregrinos metuunt armenta leones:  
Cernimus in tuto pecudes errare per altum  
*Gogmagog*, & Lycidæ modò cantabamus amores:  
Donec fortè canis leporem mea nacta (vidēsne?)  
Præteritæ meminisse dedit mihi somnia noctis.  
*Iol.* O pinguem (*Corydon*) leporem! sed somnia narres.



*Cor.* Parturiunt hyemem venti, libramq; secutus  
 Equales quamvis noctes facit esse diebus,  
 Longiùs hinc meditatur equos deflectere Phœbus;  
 Frigora ne gelidæ noceant tibi proxima terræ,  
 Pallia substernas, vt quæ narramus (*Iola*)  
 Cuncta sedens animo (non sunt ea vana) reponas.

*Iol.* Dic age, quandoquidem leni sub sole iacemus,  
 Dum sicca tellure licet, dum nubila pendent,  
 Tergaq; surgenti defendit collis ab Austro.

*Cor.* Summo mane fuit, sub opaca crepuscula somnum  
 Hesternus captare labor mihi lumina suasit.  
 Solverat *Arcas* oves, & me secuta tenebat  
 Post confusa quies malè coctæ somnia cenæ,  
 Tempore quo placidis, verosq; imitantibus actus,  
 Spiritibus gaudere solet mortale cerebrum.  
 Tunc ego non (vt erat) videor sub culmine somnum  
 Carpere; sed vigil inter oves regnare, meamq;  
 Carminibus recreare novis, & arundine, mentem,  
 Et pulchrum *Lycidam* patri componere *Scoto*:  
 Cum subito attentas incertus clamor ad aures  
 Pervenit exorients; vlulatibus vndiq; mistis  
 Et nemus, & gemitu vicinia tota remugit.  
 Obstupui; riguere comæ, timidoq; pavore  
 Brachia succutiens calamos stridere coëgi,  
 Vt mihi sum visus, cum me sopor vsq; teneret.  
 Postquam parva meos mora confirmaverat artus;  
 Et video nullum gregibus superesse peric' lum;  
 Summa pedo nixus montis iuga lumine lustro,  
 Aut videor lustrare: venit (miranda capenus)  
 Ecce Diana venit, nemorum Dea, colle secundo,  
 Funereos imitata choros; hanc quattuor ante  
*Hippolytus, Cephalus, Persæus, & pulcher Adonis,*  
 Atra manus iuvenum, pheretrum lugubre ferebant,  
 Impositumq; super spoliatum luce leonem:  
 Ipse caput vidi, nec quid meditarer habebam.  
 Quid tibi vis? lacrymaris, vt hæc tibi somnia narro?

Falle-



- Iol.* Falleris ; ast oculos ventus lippire cœgit :  
 Tu modo perge feri nobis producere funus ;  
 Remq; Sophocleo tragicam depinge cothurno.
- Cor.* Pone nigris iuvenes *Latoia* vestibus ibat,  
 Crine soluta, caput pullâ velata Cupressô.  
 Stant humeris versæ Phætræ; sceptrumq; verendum  
 Dextra tenet, nervoq; arcum fert læva remisso.  
 Proximus insequitur *Lycidas*, diademate cinctus  
 ( Hâc etenim iuvenem solatur imagine Diva )  
 Tristior at reliquis; at non formosior illo  
 Villus erat tristi : tu collige qualis (*Iola*)  
 Eius in ore decor quem sic dolor ipse decebat:  
 Mille dein iuvenes glomerantur, & ordine bini  
 Mille faces, manibus malè congrua tela, ferentes,  
 Non procul apparet, quam nulla ceciderat ætas,  
 Stipitibus fruticans, & multo robore sylva:  
 Huc vbi delati iuvenes, posuere pherestrum  
 Admonitu Triviæ : tum sumptâ quisq; securi  
 Ingentem, dignamq; suis incidere messem  
 Falcibus accelerant ; structisq; ad funera lignis  
 Pelle suâ vacuum super astruxere Leonem,  
 Inq; pyram iecere faces ; ferit æthera fumus  
 Præ quo non potui quæ sunt post acta videre.  
 Sed tamen ( humanas sic ludunt somnia mentes )  
 Postmodo summa deæ, longèq; hinc dissita, nullo  
 Templâ labore viæ videor penetrare, deamq;  
 Flammiferumq; chorum lugubre audire canentes:  
 Tresq; videre hirtâ positas cum pelle coronas.  
 Hæc mihi miranti cristatus somnia rumpit  
 Nuncius auroræ, quo non solertior alter  
 Ore ciere viros, famulasq; ad pensa vocare.
- Iol.* Pandite iam fontes oculi; satis ipsa biberunt  
 Corda suas lacrymas: & mollia pectora læsit  
 Diffimulata quies : Iam verè somnia magnum  
 Pondus habere scio; nec te phantasma ludunt.  
 Ecce tuus ( *Corydon* ) *Leo*, quem sic *Delia* luge,

Scotus erat magnus, rapuit quem perfida Clotho.  
Hunc diadema triplex, cum sceptro & pelle leonis,  
Hunc tibi templa Deum, rogos & lugubre pheretrum  
Ostendunt; hunc tu mecum modulare peremptum.

*Amb.*

Ducite Pierides, æternum ducite funus:  
Scotus & occiduis, & notus Scotus Eois,  
Et sub vtroq; polo, nunc arcâ clauditur urna:  
Occidit ille hominum Divûmq; expressa voluptas,  
Occidit; ast huius magnum & memorabile nomen  
Luminibus vestris Læthes vñbracula vincet.

*Eiusdem Hendecasyllaba.*

**M**Vix filiolæ Tonantis vtrò  
Descendere simul iugo bicorni,  
Omnes vñanîmi choro canentes  
Quicquid laude homines dedere dignum:  
Fundunt & sua quæq; separatim  
Blandis carmina copulata nervis,  
Hunc Diva Vranie canebat, illum  
Tristis Melpomene; hunc Thalia supra  
Communes hominum ordines ferebat,  
Illum Calliope; hic per ora Clîas,  
Hic per Terpsichores adibat astra;  
Multosq; audio voce consecratos  
Euterpes, Eratûs Deaq; nonz,  
Quæ multum memorans canensve dicta est;  
Hoc sed carmine recta stare nescit.  
Alternâ vice quæq; canticenas  
Divino modulantur ore lætas;  
Nigrum donec inaudiere fatum,  
Fatum sceptrigeri nigrum Iacobi:  
Tum questæ hoc pariter. Sed ô quis illas  
In mentem revocet meam querelas!  
An non sic Erato, Quid, ô quid, inquit  
In Musas adeo protèrva sævîs  
Mœra? heu Regni, Academiæq; fulcrum

*Invito*

Invito rapis hinc iniqua Phœbo  
 Quodd' doctus fuit hic quodd' & disertus;  
 Nec non Rex sapiens, benignus. æquus,  
 His mors nominibus dedisset olim  
 Vitę ducere longiora fila:  
 Quid quodd' Pacificus, piusq; & almæ  
 Defensor fides, vel absq; bello?  
 Agnosco invidiam dolosa Mœra:  
 Ne regnum minuat coli rapacis;  
 Dum corpusq; animamq; vis petire,  
 Hoc in vis alios ferire mille.  
 Ergò quid loquar? aut quid haud loquar? vos,  
 O vos terribiles, nigra, feroces,  
 Tristes, infatiabileq; Parcæ,  
 Nulli parcere quæ soletis; Huius  
 Dulcem è corpore sanguinem hauriatis;  
 Clarum at nomen ego canam per omne  
 Humani generis forum; Iovisq;  
 Æternam in gremio locabo mentem.

*Guil. de Insulâ, Coll. Regalis.*

**D**Ebuerat Scotiæ Regem, dedit Anglia Cœlo;  
 Sic (dices) nomen liberat illa suum?  
 E patriâ accipiens alias transmittit ad oras,  
 Et se depositum restituisse putat?  
 Quisquis es, iniustæ noli indulgere querelæ,  
 Nec patrie nimius pectora turbet amor:  
 Qui dedit eripuit cœlestis creditor idem;  
 Affirmans, Scotiæ, ius prius esse suum.

I terræ ac Cœli discordia iusta *Isacæ*,  
 Felix, quodd' victam se fateatur humus.

**C***Arele;* virtutum quàm Sceptri iustior hæres  
 (Atq; hæres Sceptri non dubitante) patris.

Si

Si tua permittat pietas post fata *Iacobi*,  
 Parturit Aonidum carmina læta chorus.  
 Vix dum siccatis ~~in vivis~~ cantat ocellis;  
 Arripiuntq; suas gaudia nostra vices.  
 Quàm felix hæc est, quàm grata iniuria! vtrinq;  
 Distrahitis Musas tuq; Paterq; tuus.

*T. Vincent Coll. Trin.*

**F**allimur? anne ideo Martis sub mense *Iacobus*  
 Occubuit, pacis quodd' pius author erat?  
 (Scilicet iratus belli Deus, ultima Regem  
 Limina trans mensis noluit ire sui)  
 An quia succedens Princeps in margine mensis,  
 Qualis erit posthac, omina læta darèt?  
 Sulpicor, accipioq; omen, nam mense decebat  
 Tali magnanimum regna subire Ducem.  
*Carole Magne* (licet sic te appellare) secundis  
 Ut cœpisti avibus, sic bene semper eas.

*Sam. Weale Coll. Regal. Soc.*

**D**um sponsam nato meditaris (maxime Regum)  
 Factus es (hem mirum!) vir quoq; Sponsa Dei.  
 O dignos Christo Thalamos, dignosq; Hymenzos,  
 Quos superi resonent, Angeliciq; chori!  
 Quos vel Terra canat: nisi quod detenta dolore  
 Se viduam tanto defleat illa viro,  
 Delicijs, animà, Genio (quid plura?) *Iacobo*  
 (Quo vivo haud summis cederet ima locis)  
 Defuncto fureret damnis perterrita, si non  
 Speraret Thalamos (*Carole Magne*) tuos.  
 En par coniugium totus quo gaudeat orbis;  
 Nec summo invidas æmula Terra polo:  
 Nam si alios Thalamos celebraret terra Britanna,  
 En aliud cœlum terra Britanna foret.

*Io. Dod. Sac. Theol. Bac. Eman. Coll. Soc.*

*Recm.*

**S** mea cur toto quæris rarissima libro  
Carmina, cui pauper non ita vena fuit:  
In ficto aut sterili pronus labor, ardua veros  
Res versu in luctus ire, nec experior.

O quam frigida res mihi videtur  
Nostris funeribus ( *mis* I A C O B E  
Absit dicere cœlitis, per omne  
Seculumq; superstitis ) querendis  
Versus, & toga pulla, lacrymazq; !  
Nugas tollite quin ineptiasq; .  
Iam *Moloch* placet, & *Baal* sodales,  
Non hîc flebilibus opus Camænis,  
Zibynis potiùs sed aut caminis.

Recusatio.

**A** Ntè C A R O L E quam piè parentem  
Et tuo & patriæ infimul parenti  
Te solo æquiparabili I A C O B O ,  
(Res, non exigua profecto curæ  
Ac vix Oceano exequenda luctus  
Iusta solvere tam pio parenti )  
Cogor, ne Tibi vel Tuis triumphis  
Minus forsitan auspicatus assim  
Et nimbo gravis, & situ capillum,  
Purgare, & veniam pudens pacisci.  
Cur autem renuas ? Profecto *Princeps*,  
R E X iam tergemina nitens coronâ  
Illusterrime splendidissimeq; ,  
Nemo plus faveat Tuis triumphis  
Secundòve tibi precetur annos,  
Et quâ tergemina nites coronâ,  
Quam qui flebile plurimum parentat  
Et nimbo gravis, & situ capillum,  
Et tuo & patriæ ac suo parenti,  
Te solo æquiparabili, I A C O B O .

Deprecatio.

H I

Nec



**N**Ec ſatis eſt, iterum ſupplex tibi, CAROLE, volvor,  
 CAROLE REX, iram deſugioq; tuam:  
 Si niniuſꝰ videar lacrymandi in funere *Patris*,  
 Illacrymo damnis, CAROLE, nempe tuis.  
 Iſta tua eſt clades, nobis de Principe ſpectum eſt,  
 Sed tibi ſubtracto cum Patre crevit onus.

*Ad uariſor.*

**A**Ute ego te nondum credo periſſe, IACOB E,  
 Virtute tantâ diuitem;  
 (Nam quis io ſuperi ſuperis cognatioꝝ ipſis?)  
 Tantarum & artium & partium:  
 Aut non hepialo (parcat Thymbraea propago)  
 Contra Lecnem hæc ſubula eſt:  
 Omnibus à morbis ut iam ſe inclamet Alecto  
 Ruina vix talis venit.

*Eluſionis Pro-  
 greſſiva.*

**T**V quoq; prædix' ti noſtros, Thameſine, dolores,  
 Egreſſus, ut fama, alveo, eſt.  
 Anne doces quantus lacrymarum naſcitur imber  
 Nobis adacto vulnere,  
 Cum tibi præviſum tantum pariterq; alienum  
 Commôrit hos fluctus malum?

*Tempus Me-  
 tu.*

**C**Uradeò IACOBE brevi discrimine, quærunt,  
 Indueriſq; Angliam, exueriſq; animam?  
 (Vix tridui diſtabat iter) myſteria certè  
 Inſunt eventis & ſua temporibus:  
 An fortè ut doceas, non tantum lubrica regum  
 Sceptra ſatis fragili conditione geri,  
 Sed, bene quod monet alma Fides, ſi tempora rectè  
 Hæc tua fluxa loces, non peritura dari?

*Ad ſudorem*

**S**Vdatum eſt abavo ſubeunte ad ſceptra, IACOBE,  
 Iſta tuo, quaquâ panditur imperium:

*Ad ſanguinē.*

**N**Vnc quoq; ſudetur, ſed ſanguine (funera tanti  
 Surt tua) ſed *grumis*, non *diaporeticè*.



**H**ic firmus est, qui, dum tegeret Pacemq; Fidemq;  
 Nil non periculi provocat,  
 Et iugulum cultris, & diræ colla securi  
 Sicisq; præbens pectora:  
 Pace tamen moritur Pacis Defensor & Author,  
 Fideiq; pro, plenius fide:  
 Evasis cultros: beo te? fors publica restat,  
 Amisse cui talem ducem  
 Dirius & cultris, & sicis, atq; securi  
 (Me cerne) quavis dirius.

Rex fructum  
 Terra.

**S**olvite iamdudum duris onerosa catenis  
 Grativo, amici, brachia:  
 Demantur malè constricto sua vincula ferro,  
 En primum ut in pugnas ruat!  
 Exulet extremo posthac Concordia Gange,  
 Terras reliquit PACIFER.

Mortuus est  
 Rex Pacificus.

IACOBEIS sive Historia.

**I**Mo age, & à primâ repetamus origine cladem,  
 Damnaq; Rex *Auguste*, tuis hærentia bustis  
 Mandemus famæ: Malleim, si tanta potestas &c. ††††  
 S. Collins *Sacellanus* parentavit. (Require alibi)

*In Senatus-Consultum & Academicum de anniversariâ  
 Memoriam Sereniss. Reg. IACOBI.*

**F**ortè secus virides spariabar arundine ripas  
 Ista canens undis, *Cantabris* ora, tuis;  
 En redivo iterum latantur cuncta *Iacobo*,  
 Nullus & in *Nato* non putat esse *Patrem*.  
 Vulneris ecce tui video cœquantia labra,  
 Macte animo, & lacrymis parce, *Camena*, tuis.  
 Vix etenim mansit *Carolo* medicante cicatrix,  
 Singula nec filo deteriore fluunt.  
 Audiit iratus, nec *Granta* coërcuit iram,  
 Et luteum medio protulit æne caput;

H 2

Sic-

Siccine ( ait ) noſtro inſultas *Maleſans* dolori ?

Et careat merito Regis honore cinis ?

Nec liceat raptum *Patria* meminiffe *Parentem* ?

Sitô; nefas proprijs ingemuiffe malis ?

Ergò *Vrbes Regem*, deſenſaq; *ſacra Patrum*,  
*Muſa Patrem* nullo flebitis officio ?

Tuq; priùs *Magno* nequicquam exulta *Iacobo*

Heu fueris, latice *Proxima Muſa meo*,

Tenifi compellans per ſecula *Regis* amici

Suſcitet ad mœſtos triſtis imago ſonos.

Siccine *Municipes* ſiccato lumine *Muſus*

Crediderim ad ripas poſſe federe meas ?

Comprecòr antè meo pereant in gurgite *piſces*,

Limofaſq; traham decolor amnis aquas.

Quia mea *Munifico* heu quondam chariſſima *Regi*

Semper agat *grates* ſedula *Muſa* novas.

Tum quoties *Phœbus* duodena peregerit aſtra,

Stet rurfus madidis mœſta *Camæna* genis.

Sicq; dolens pullà *Muſarum* in veſte ſacerdos

Indicat publi triftia *Fefſa* ſua

*Fefſa* ( fidem ) ſine fine dabo, *Pietasq;* perennis

Scribetar *Fafſus* non peritura meis:

*Scilicet ut fiant, fiant dum inſta Iacobo*,

*Grat aſimul Carolo*, chara perinde Deo.

Dixerat, & ſubitò noto ſe gurgite condens,

Spumanti tremulas vortice torſit aquas.

G. Boſw. C. leſ. Sen. Procur. Acad.

**S**iquid repperias obſcurum : ( Candide Lector )

Nubila ſunt ſubitis carmina noſtra malis.

Occurrat ſiquis tibi verſus Hypermeter : Idem

His lacrymis nullum prædicat eſſe modum.

Siquis deficiat: tentantem dicere plura

Deſeruit dominum penna manuſq; ſuum.

Imprudens errat ſi fortè Typographus: æquum,

Ignoscas, ſupplex poſtulat: æger erat.

R. W. Regal. P. C.

F I N I S.

C 4477

31482

SL

REPRODUCED FROM THE COPY IN THE  
HENRY E. HUNTINGTON LIBRARY

FOR REFERENCE ONLY. NOT FOR REPRODUCTION